



武經總要後集卷第十八

雲氣

軍行災異雜占

雲氣

氣象雜占

出軍太乙主客勝負



將軍氣象

將軍氣上達於天主名將多謀 猛將之氣如龍兩軍相當若發其上則其將猛銳如帟在殺氣中猛將欲行動發此氣亦主有暴兵起吉凶以日辰決之又猛將之氣忽如火烟狀或如山林竹木或紫黑如門樓或上黑下赤如黑旗或張弓弩或如塵埃頭銳而大者皆猛將氣也 軍上氣如困倉正白見日益明者此猛將之氣不可擊 敵上氣黃白而轉者澤將有盛德不可擊 氣青白而高者將勇必戰前白後青而高者將弱士勇 前大後小者將怯敵上氣黑下勇赤氣在前將精悍不可當 氣青而蹙散者將怯

弱 軍上氣發漸如雲又變作山形者將有深謀不可擊若在吾
軍所戰必大勝 敵上氣如蛟龍向人此猛將氣不可當若在吾
軍戰必大勝 凡赤氣上天旋運軍中有名將一云賢將

軍勝氣象

將帥士卒勇銳則為勝氣 凡氣上與天連此軍士強盛不可擊若
在吾軍戰必勝 軍上如火光將帥勇士卒猛此氣不可擊在我
軍上連大勝 軍上氣如山堤林木將士驍勇不可與戰若在我
軍上戰必大勝 軍上氣如塵埃粉沸其色黃白如旌旗颺揮拍
敵此軍欲勝不可擊 敵上白氣粉沸及上有赤色氣者兵銳不
可擊在吾軍上戰必大勝 營上氣黃白色厚潤重者勿與戰
丙軍相當上有氣如持斧外向敵戰必大勝 丙軍相當上有氣
如蛇舉首向敵者戰必勝 敵上氣如足帛者此雄軍之氣有氣
如日相隨在氣中得天助不可擊若在吾軍上可戰 軍營上有

赤黃氣上達於天亦不可攻 凡軍上有五色氣上與天連此天應
之軍不可擊 營上有氣上尖下大其軍旅日增益士卒銳 其
軍上氣似堤覆吾軍上者急往之大戰 氣銳色黃白團、而潤
澤者敵將勇猛卒精強不可擊 雲如日月而赤氣繞之如日月
暈狀有光者此地大戰不可攻 敵上氣如雲自中天而至及吾
軍上常有氣不變者堅固難攻 凡雲氣如帟臨在軍上者勝 焉
軍上氣如塵埃前後高者將士精銳不可擊 敵上氣如帟伏者
難攻 軍上常有氣者其兵難攻 軍上氣如華蓋勿與戰 有
雲狀如飛鳥所見國戰勝 雲如旌旗如鋒刃向人者勿與戰
丙軍相當敵有氣如飛鳥徘徊在軍上或來向高者兵精銳不可
擊 黑氣在上赤氣臨我軍上敵強我弱 軍上氣如馬首低
尾昂者勿與戰 軍上雲如杵勿戰 望四方赤氣如赤鳥在黑
氣中如黑人在赤氣中如赤杵在黑氣中如人十、五、及狀如

旌旗在黑氣中有赤氣在前者敵人精悍不可當 敵上有雲如山嶽不可擊 有雲長如引索如陣前後銳或一或四有陰謀青黑兵赤色叛黃色急去 月暈有黑氣如暈中者隨所入擊之勝 暈有抱所臨者勝 日暈相交居上者勝 虹直指順之而擊可勝 暈有抱有虹順他者勝 日旁半暈兩頭尖有戟者隨所損擊之

城吉氣象

白氣從城中南北者兵不可攻城不可屠 城中有黑雲如星名曰軍精急解圍去有突軍出客敗 城中白氣如旌旗者勝若赤界其邊精銳不可當 赤雲臨城有大慶 黃雲臨城大喜慶 青色氣如從城中南北出者城不可攻 青色如牛頭觸人者城不可攻 城中有氣出於東其色黃此天城不可伐 白氣從中出青氣從北入及迴旋者軍不得入城 諸攻城圍邑過旬不雷不

雨者為城有賢輔出疾去之勿攻 城中氣出於外如烟火者主人欲出戰其氣若無極者不可攻 城上氣如雙蛇者難攻若前高後卑者攻之可拔後高前卑者不可攻 赤氣如杵形從城中出向外者內兵突出主人勝 城上有雲分為兩彗狀攻不可得 城上之氣不見於外者不可攻 有赤氣從城上出者內兵勝宜備之凡有諸氣從城中出入吾軍上者敵家氣也濛氣繞城不入者外兵不得入 日暈有白虹貫之其城可拔 日暈有青氣從中起四出圍者中勝

戰陣氣象

氣青白而高者將勇大戰 氣如人無頭如死人卧敵上者戰必勝 氣如丹蛇又赤氣隨之必大戰損將 四望無雲獨見赤氣如狗入營其下有流血 四望無雲獨見赤氣如立蛇其下有流血 四望無雲獨見赤雲如覆舟者其下有戰 初出軍日天氣昏溟

雲氣陰沉寒慘者必戰若清暢晴和風塵不動者不見敵亦不戰
有青氣見軍之王相上者當成交戰不見者不戰 若白虹或赤
虹見敵上其下必大戰流血 赤氣出盤旋往者其下有兵流血
白氣如車入北斗中移者下有流血大將死 雲如畊隴者軍必
大戰 日旁氣象交貫通穿或相背軍中不和 日有白氣若虹
交見者從上擊下勝無軍而見者下必流血兩軍相當必交戰
有白虹四五六見者亦為大戰 日旁有一缺萬人死其下兩軍
相當不利先舉 月初滿而蝕有軍必戰 日月有赤雲如大杵
截之軍在外萬人死其下兩軍相當不利先舉

陰謀氣象

白氣群行徘徊結陣來者為他國人欲來圍人可視其往隨而擊之
可得 日月濛、無光士卒內亂將軍宜循法度察有功以自明
及有兵內發用嚴刑而伺奸人者勝 天陰沉不雨晝不見日夜

不見星月三日以上陰謀也將軍宜謹左右及敵人五日至七日
有謀隱蔽將奪其權主刑殺事連陰十日亂風四起欲雨不雨名
曰濛臣謀上 天陰沉日月俱無光晝不見日夜不見星月皆有
雲陣而不雨此謂君臣有陰謀兩敵相當共圖議事 若晝陰夜
月出上謀下夜陰晝日出下謀上 黑雲氣如鍾出於營上中黑
下黃敵欲來求戰無誠實通言於九日宜警備之吉 黑氣臨我
軍上如車輪敵人謀亂我軍 黑氣游行中含五色臨我軍上敵
必合謀來伐諸國反謀軍自敗

攻城氣象

我城上有赤氣黃氣四面繞之城中大將死城降 城上赤氣如飛
鳥城可急攻必破 城上有赤氣如破車城可攻 城上無雲氣
主士卒敗散 城上營中有赤黑氣如狸皮班及正赤者軍破
城上氣如死灰色及止不出者城可攻一云攻城圍邑氣如死灰

出而覆其軍上者多病城可屠 氣出復入者人欲逃遁 城上
氣聚如樓見外者攻之可得 城上氣起而上赤可屠城 城上
有雲如衆人頭赤色下多流血死喪 氣出南北城可剋 其氣
出而東城可攻出而西城可降出而覆其軍上者士多病 其氣
出而高無所止日久長 有氣從城外而來者兵欲益攻凡攻城
黑雲臨城者積土固險之象 黑水之氣城池之象我據城敵不
可攻敵據城我不可攻 有白氣如蛇來止敵城上者急攻之少
緩則失若從其氣來指我營者宜急固守凡攻城見有白氣繞城
而入者隨所入急攻之小緩則失若從其城上指我營者宜急固
守凡攻城若雨濛霧曰日死 無色曰 主兵勝 雲氣如雄雉臨陣
其下必有降者 濛霧圍城而入城者外兵得入有雲如女人之
狀或如牛立圍城上或氣如交頸虹向我城可攻若有屈虹從外
入城中三日內城可屠 日重暈而白雲貫日圍城客勝

暴兵氣象

白氣如虹曼連結部隊相逐須臾罷而復出至八九日急兵至 白
氣如仙人千、萬、連結部隊罷而復出者當有千里兵來 黑
氣從敵上來我軍上者敵人罷不則敵人至宜避不宜戰敵回從
而擊之小勝天色蒼茫有此氣依日支干數內無風雨則所發之
方必有暴兵剋日剋時自消散此氣三條若所發支方當有使人
告急一人來則氣一條二人來則氣二條三人來則氣三條若散
滿一方則有衆來其至依數支干數內有風雨則伏 壬子候四
望無雲獨見赤雲如旌旗下有兵起若遍四方者天下盡有兵
若四望無雲獨見黑雲極大天下共起雲半天兵半起名曰天滿
三日內有雨災解 敵欲來者其氣上有雲赤其下敵必至 雲
氣如旌旗賊兵暴起 氣如人色赤白而聚者是暴兵起 氣有
人持刀邊有雲如坐人赤色所臨城邑有卒兵至驚恐須臾去

赤氣如人持刀節兵未息 雲如赤虹有暴兵 白虹長出皆有
暴兵流血 有雲如人行止不定有暴兵 赤火如火者所向兵
至 有白氣狀如白布經天丑未日天下多兵赤者尤甚 有雲
如胡人列陣天下兵起 白氣起廣六丈東西亘天者兵起 有
雲如疋布亘天者兵起 有雲如狗四五相聚圍兵起 四方晴
明獨有赤雲赫然者所見之地有兵

伏兵氣象

軍上有黑氣渾、團長赤氣在其中其下必有伏兵不可擊 兩軍
營欲戰或對壘相守望彼軍上白氣粉沸起如樓閣狀其下伏兵
萬人不可輕舉軍行近山林坑谷間當善防之既曰是伏兵之地
而上有氣者不疑 雲氣紛、相連如蒿草數尺此以車騎為伏
兵 雲如布席及似蒿菜盈尺許此以步卒為伏兵 伏兵之氣
如幢節伏黑雲中或如赤杆在雲中或如黑人在赤雲中勿先動
赤雲出營南賊逃我後有伏兵謹察之兩軍相當赤氣者伏兵之
氣若前有赤氣前有伏兵後有赤氣後有伏兵左右亦如之審察
則知伏兵所在 軍上有氣黑色中有赤氣必有伏兵不可攻
前有黑氣後有白氣必有伏兵不可攻 有雲如山林在外有伏

軍敗氣象

敵上有氣上黃下白名曰善氣所臨之軍欲求和退 敵上氣囚廢
枯散如馬肝色或如死灰色或類偃蓋或類偃魚皆為將敗 敵
上氣乍見乍隱乍聚乍散如霧始起此敗氣可擊若上大下小士
卒日減兀軍營上十日無氣發此軍必敗或有赤白氣乍出即滅
外聲欲戰其實欲退走 黑氣如壞山隨軍上者名曰營頭之氣
其軍必敗 軍上氣如火光夜照人軍士散亂 軍上氣出而半
絕者欲敗漸盡者一絕一敗再絕再敗三絕三敗在東發白氣者
災淡 軍上氣如猪形或如羊形此是瓦解之氣軍必敗 敵上

有氣如雙蛇疾往收之大勝 軍上有氣如中雙蛇相守急往擊
之大勝 軍上氣如粉如塵勃、如烟軍欲敗 軍上氣五色雜
亂東西南北不定者其軍欲敗 軍上氣如群猪在氣中此衰氣
擊之大勝 軍上赤氣炎、降於天士衆將死 赤氣如火光從
天流下其軍、亂將死 彼軍上有氣蒼、須臾而散擊之必勝
在我軍上宜固守 軍上黑氣如牛形或如馬形從氣霧下漸、
入軍名曰天狗下食血主軍敗散 敵上氣如群鳥亂飛衰氣也
伐之必敗 望彼軍上氣如垂衣如人隨擊之可得 望彼軍上
氣紛、如轉蓬者急擊之 望彼軍上氣色如揚灰敵欲退去
氣蒼黑紛亂者士卒饑 兩軍相去十里內三里外望彼軍上氣
高而前後白青散者此敗軍之氣可擊 雲如覆船如車蓋者必
敗其軍雲氣如人頭臨軍營中戰不勝主流血 敵上雲如群羊如
驚鹿必退走宜急擊之 雲如捲席如布疋亂壞者皆為喪敗之

飛可攻而擒 雲氣蓋道敵濛濛晝冥者飯不及食炊不及熟可急
去也 雲如雞兔臨營者雞敗走軍軍上氣黑而卑如棲狀軍移
必敗 敵上氣如人卧無手足或似車徘徊不起者敗 氣如擊
牛凶敗之氣 敵上氣如雙蛇如飛鳥如決堤如壞屋如人相指
如人無頭如驚鹿相逐如兩雞相向皆為將敗之氣凡降人氣如
人皆操手低頭又如人相向白氣如鳥翅入屯營連結百餘里不
絕而須臾下者當有他國來降 氣如黑山以黃雲為緣者欲降
伏之象青而漸黑者將欲死 雲氣如人頭者將軍失兵衆之象
散軍之烟如燔生草之烟前離後退伺便擊之必勝氣黑氣臨營
或聚或散如鳥將宿主敵人畏我心意不定終必逃遁通之大勝
若在吾軍善撫士卒 日暈中有氣如死蛇者將軍死兩軍相當
不利先舉 日旁有赤雲如垂鐘其下有將死 日月暈有紫氣
所臨者敗 軍上有白虹及蜺入營者敗日暈氣後至先去者敗

允日月暈與氣以先至者為發以先去者為敗 軍上若日旁虹
蜺及犯逆之戰者敗 日暈有四缺在外軍盡敗散

氣象雜占

星有兩彗上似有蓋干連星名曰歸邪見則有歸國者 日暈有黃色抱珥直光戴覆黃色皆喜慶之事京房占曰赤氣如繖蓋覆軍
上千里內戰有慶千里外戰有憂黃氣臨營西向東戰並凶向之
吉 赤氣隨日出軍必憂隨日沒外告急 赤氣漫如血色者流血之象 赤氣如火影見者臣叛其君不過三月 赤氣如龍蛇
在山頭住又如夜光者臣離其君為客所傷人民流移遠其鄉里
黑氣如人頭在營上敵人有所獻且求降許之不許必有戰功雖
成士卒多死 黑氣如牛頭龍馬蛇變化當審而察之夷兵欲欺
中國宜遣伺候讒言為惡 允出軍向東伐有白雲從西來因隨
而擊之勝若有赤雲東來逆軍者敵勝我軍當敗急且屯守他皆

倣此 黑氣如積土在我軍上敵來襲我必堅守經月敵心必離
離而後戰大勝 允對敵在東方白雲東去而有雲又東來相逆
須臾過者雲已去而有風隨之所望龍席之狀若我軍背大戰勝
雖從雲而風逆者亦不可戰 允有雲氣橫來者兩軍不合急先
伏止當有遁將 黃氣在吾軍者急令舉兵不速戰士卒懼人有
遁必能軍 允兩軍相當彼軍上有赤氣狀如足布兼長數十尺
其下色黃白必有背叛之軍皆見在位臣復見在兵宜備之 允
被圍平旦視圍上氣鬱如火光芒勢翕然者其方救至無者無
救 軍行有白氣如虹者軍大驚宜備之若黑雲南北如陣國將
有憂不然有大水為害 白雲白氣極天南北如陣有憂 黑氣
東西如陣有憂若氣蒼茫而東西極天移日不動者為憂深此氣
以戊巳日出為灾 赤雲臨圍上東西如陣者兵敗 允霧春以
甲乙寅卯日氣色青出東方向季者客勝 允霧夏以丙丁巳午

日氣色青出西行為利客主人凶 凡霧四季以戊己辰戌丑未
日氣色黃向北行利客主人內亂 凡霧秋以庚辛申酉日氣色
黑向東行利為客先舉兵勝後舉兵敗 凡霧冬以壬癸亥子日
氣色黑利南行 興軍動眾雲氣如亂壞大將至視所從來避之
雲甚潤而厚大雨必暴至 四始之日有黑氣如陣後重大雨多
雨 氣若霧飛着衣冠而濡見則其城帶甲而趨 日出沒時有
雲橫截之白者喪黑者驚三日內有雨則災解 雲氣如鬼臨軍
營中軍士死亡 天有青氣入營者兵弱驚恐 天有赤氣入營
者兵暴驚 天有黃氣入營者有兵和解 天有白氣入營者兵
強 天有黑氣入營者大主疾病一云兵相殘急移營 有雲如
蛇龍所見處將軍失魂 有雲如日月暈色其國凶青白色有大
水 有雲狀如龍行國大水流亡凡遇四方盛氣勿向之戰甲乙
日青氣在東方丙丁日赤氣在南方庚辛日白氣在西方壬癸日

黑氣在北方戊己日黃氣在中央四季日占戰當此日吉逆之必
敗甲乙日平坦所向有白雲不可攻丙丁日、中所向有黑雲皆
為堅敵不可攻也他倣此 赤氣如火者叛其君 赤氣加西方
者客勝加北方者客敗加東方者和解不聞加南方者軍還天下
安他倣此凡天見五色雲氣望東西南至子午卯酉若百步千步
一尺一丈十丈百丈如車道長百十丈日辰相剋者大鬪不相剋
者不戰生氣所臨有天命為兵強相氣所臨為喪敗因氣所臨為
按圖降敵休氣所臨為兵罷無功 各以王相
休囚言

軍行災異雜占

將軍休帳及車無故自動者主遠行如無遠行有欲謀之者 將軍
衣服無故有血污下欲謀上宜施恩驚警備 將帥鎗刀劍無故
出匣者主鬪凡軍馬旗纛節倒折者主將失位鼓角刀劍自鳴者
陰謀之應 將軍服矐目動耳鳴及無故自驚並不覺吐嗟者並

是下人起念生謀 軍中馬生角下謀上 將帥騎馬之次無故
回頭鬣人靴觸人衣裳者主下有陰謀已成 大將門廳鳴者下
謀上 鷓鴣禽雉等入帳幕中無聲者必有下傷害 大將軍將
食次七節自動其下行毒 狗無故上床主下謀上 蛇入廳及
帳幕中屈盤勿損將謀相助 將帥睡中高語自覺驚寢計謀必
成主神助之應凡郭城中及營寨中木上有鳥作巢却拆卸去者
兵大行不然別遷營若 若夢得大魚戰大勝 夢見聞雷必破
大賊急進兵大勝 夢見日暈有下人謀上 夢見霜雪軍威失
勢夏月大凶士卒逃散 夢見槌鼓大鳴大勝小鳴小勝不鳴不
勝 夢見大水泛漲軍陣必勝 夢見食泥土必收城郭 夢見
自身病必加爵困者甚吉傍有哭聲者必凶 夢見吐嘔者有病
出也 夢見水乾得小魚半死半生者主口舌五日內當戰主不
勝 夢見牙旗折倒者軍威失利 夢見走馬快利戰勝行遲者

凶 夢見身入井中者被牢獄厄宜撫士卒 夢見人遺刀劍利
戰必勝有威名 夢見身飛揚者戰勝名聞千里 夢見天道及
大戰者有戰仇為將帥領士卒察淵與則勝敗參諸天不可不知
常視神光可見吉凶欲交戰之時當以手隱眼角則見其色若見
光色各以五行言之黃光必獲敵人金帛赤光者大喜白光者兵
刃相交主流血青光者主有憂黑光者主大憂 夫出軍獲見帟
狼在軍前後吼哮反入軍營中者不出五七日有戰先衝突者大
勝又云帟豹熊羆入軍營及傷害人者主大戰至鹿麋麀之類入
軍皆主營空急移營吉 軍行營幕已成忽有帟徒入我營走過
軍中者急移必敗 猛獸至軍營敵人勇必突入我營必有奸覘
我軍 兩軍相當飛鳥入我城壘營陣者大凶急移營陣吉 兩
軍相當有帟狼豺狸圍繞軍營悲鳴將有凶必大敗宜撫士卒異
日而戰吉若在彼軍鳴宜進兵攻戰 若有猛獸橫入軍營中者

急宜進兵攻戰、主必敗 軍中或豺狼及雉飛入軍營者皆凶
急脩德揚武吉 營陣有狐狸向軍四面鳴者戰必敗宜固守
軍陣營壘往、捉得狐狸者敵人來戰必敗破 狐狸獐鹿之類
入軍營者不出五日主軍驚若上將移軍後得敵人降建立營砦
凡野獸入軍皆與主將為應兆兩軍相當應禽獸將軍命德上并
歲月日德日上來皆有喜慶事從將軍命刑歲月日刑上來者主
之 軍行馬無故食沙石厥應兵彊戰勝也 軍中馬晨夜鳴當
有暴兵至急去士卒戰敗之兆

太乙

太乙者天帝之神也其星在天乙之南總十六神知風雨水旱金革
凶吉謹陰陽二局存諸秘式星文之次舍外野之灾祥貴於先知
預為之備用軍行師主客勝負蓋天人之際相參焉

出軍太乙主客勝負占

經求年月日時四季太乙入七十二局立成得入局之數乃用其局
吉凶歲計小遊積年一百九十三萬七千六百一以周紀三百六
十除之又以元法七十二降之慶曆甲申歲用第二丙子元九局
月計甲申年前十一月建甲子五五紀第四庚子元第二十五局
求月計三元六紀法日計與時計同甲子甲午年十一月建甲子
月計第一紀己亥己巳第二紀甲戌甲辰第三紀己酉己卯第四
紀甲申甲寅第五紀己未己丑第六紀從第一元通數、之求紀
法六十除求元法七十二除之有餘者為人局求月計太乙入局
之法至所求積年以章月八十一萬二十六乘之章歲六百五十
七而一為積月又以月法一千四百四十七乘之日法四十九而
一為所求天地正十一月朔大小餘每日加一算其積日以三百
六十餘之以紀法六十去之餘為之紀日又以局法七十二去之
餘為入局之數依法求之求時計於日計甲子上取之與月計六

紀法司同求太乙四計用法行宮法三每二十四日行周天月行六十神乾坤重留一筭陰局取其衝艮巽重留計神子歲計起寅退行日月時同從大日命筭至太乙之宮前止得主筭之數三之為參將命筭乾坤艮巽八宮二宮四宮六宮為正神起宮數、之客有八即戌亥、丑寅辰巳未申是也天目在此起一餘依宮數數之客以神加和德官天上十六神加臨地下十六神於主天目之下是始擊將所臨依前命筭所得之筭即得客大將所在宮三因為參將計日以歲月日時計合神加歲、月日將天目下為定計目所臨命筭數得定大將所在助客之筭也即看與太乙同宮之時主名曰囚在太乙前後一宮或一神辰名迫始擊同宮名掩在太乙前後名擊大小將在客主日或太乙宮前後為秋太乙將自相同宮為閑則有客閑主人主人閑客當相閑之時若一林二帟一泉二蛟氣有盛衰勢不而立則以主客所自臨之神五神五行天之勝負可見矣若主客筭得五并十五二十五三十五各八門杜塞不利興師若筭得二名界地經云出界地並用其三客得則客利主得則主利凡客筭以長多為勝短少為負若筭長多利深入若筭短少利短入凡出軍宜向筭戰陣利背筭凡伏兵必有掩迫之時凡奇兵客必置於客主大殺之地天目始擊將也奇兵者百人用三十人為之皆依此為候得敵人之便鳴鼓高旗鼓譟之令竊發為取勝故曰能知奇伏轉禍為福將若不知不合不可以語奇

淺

太乙有陣舉旗之法難求精妙人採其旨歸若筭得二五用曲陣舉黑旗筭得三用直陣舉青旗筭得四九宜用銳陣舉赤旗筭得二五用團陣舉黃旗筭得七六用方陣舉白旗若筭得三門俱五將發利以興兵動眾但文昌主目不四擊始迫客日無掩擊即是三門俱五將發不在所值八門之一言八門筭法擊而無用今更不錄

凡太乙天目在陽算得偶為和太乙天目在陰算得奇為和陽者謂太乙在八三四九宮也陰者太乙在二七六一宮也天目在正宮為陽間神為陰凡算得陰陽和利以興兵

凡宮主客者先後之禮動靜之義也陣兵原野旗鼓相望先動為客後動為主人安居之代先舉事者為主人後應者為客欲明天道審逆順先作主人歲計次推客計若客主俱得善計三門俱五將發陰陽和利以稱兵所向必剋先則勝後則敗若客主俱得計三門不得五將不發陰陽不和先起者敗後起者勝若主客計一吉一凶則利客、勝吉凶等則算長者勝算短者敗

凡占外國動靜皆以時之客計占之算得八門杜賊不來若三門具五將發陰陽和無閔格掩迫客主俱會太乙前所聞見為實占賊來降不為盜若天目數轉而北行者為不來

凡占敵使可信當視太乙所制假令時計太乙在二宮屬火始擊將臨武德屬金火制金敵使來敢有他意

凡占間諜有無當視賊日假令太乙在一宮則六七二宮為前外八三四宮為後內若客目臨戌陰主賊來窺覘間諜

凡占射賊來多少若客目臨戌陰主為賊來客算十六巳上陰陽順有虜必多有將若十五巳下虜少無將天目臨左虜從東方

若天子從狩太乙天目在兩維之歲若舉方正在亥卯未之歲及太乙歲計三門具五將發之年

凡占問事虛實占天目掩迫太乙聞不善事實事善若三門具五將發聞吉則吉聞凶不凶若三門不具五將不發聞凶則凶聞吉則吉

凡對敵常須觀風雲之勢察飛鳥之情若太乙所在風雲飛鳥從衝上來急須準備假令太乙在九宮巽屬木風雲從一宮來屬金制太乙大凶若風雲飛鳥從主人太乙德上來急擊其衝主

人勝 若從客目大將宮來則主人急宜避敵

凡太乙筭得一至四步卒在前軍車騎次之筭得五至九車騎在前步卒次之

凡雲氣隨日幹五行在我軍往敵我利 假令壬辰日黑氣在我軍上自北之南隨雲氣攻南必勝

凡擇日時當審日時之計所立興兵吉

太乙神凡一十六其年月日時計命起我德惟有陰陽冬至氣應候後用陽局夏至氣應後用陰局皆以陽局所命之對其衝則陰局

太乙所在也

十六神命名申為武德酉為大族戌為陰主乾為陽主德亥為大義子為地主丑為陽德艮為和德寅為呂申卯為高裏辰為太陽巽為太昊巳為大神午為大神威未為天道坤為大武

辨九宮太乙有礙宮之義即一宮在西北二宮直南三宮東北四宮

正東五宮居中六宮止西七宮南八宮正北九宮東南

十精太乙皆以七十二局之數除之年月日時

十精太乙伺候雷雨災變軍行不可不知 一曰天皇以小周法二

十除之不盡者命武德順行十六神至陰德和德太昊大武重留

天皇所在 二曰帝符小周二十除之不盡者起陰生順行十六

神至地至高裏大威大族重留一筭外即帝符所在 三曰天時

小周二十除之不盡者命起呂申順行十二辰即天時所在 四

曰大尊小周四除之不盡者命起八宮次六宮次四宮次二宮逆

行四正宮筭外即太尊所在 五曰飛鳥以小周九除之不盡命

起一宮順行九宮筭外即飛鳥所在 六曰五行以五行小周法

除之不盡者命起一宮次八三九七筭即五行所在 七曰八風

小周九除之不盡者命起二宮順行九宮筭外即八宮風所在

八曰五風以五風小周九除之不盡者命起一宮次三五七九二

飛鳥

四六八筭外即五風所在 九曰三風小周九除之不盡者命起
三宮次七二六一五九四八筭外即三風所在 十曰太乙數以
太乙局法七十二除之不盡者命起一數太乙所在

十精與太乙神相合主風雨以休王消息行之 經曰天皇太乙者

在紫微垣勾陳口中星贊曰天皇大帝秉萬神若與太乙合則日

暈大風合於王用之地風適天下合在東方日暈在西方日暈有

雲氣合在南方大昏合在北方陰昏天皇若與太尊合有大陰雨

日月為變天皇若與飛鳥合天小陰雨天皇若與天時合有小陰

雨昏天皇若與五風合疾風大起天皇若與太乙計數合有大風

雨 經曰帝符太乙合則日暈大風星贊曰天節奏使專對無疑

帝符若與太乙者天節之使也若合在太乙王相之地小雨小陰

雲狂風卒起帝符若與天目合當小陰疾風或曰日月有變 經

曰帝符天時太乙者雞星之使也星贊曰雞鳴伺曉審夜察時天

時若與太乙合於王相之地有風雨卒起或陰雨 經曰太尊黃

生之長若與太乙合王相之地有大陰雨寒若合在八宮日暈合

在六宮陰昏合在二宮大陰寒合在四宮日暈太尊與飛鳥合天

雨太尊與帝符合天有陰雨大昏太尊與天目合天有陰雨 經

曰飛鳥太乙者七星之候朱雀之體也則在天心有變飛鳥若與

太乙合有大風飛鳥若與天時合有陰風 經曰五行太乙者五

星之使也其變猶影響之與形聲也五行與太乙合在王相之地

暴風大寒雲氣昏暗或則有雨五行與天目合有風雨日月有變

五行與八風合有小陰雨五行日月為變五行與帝符合風昏小

陰五行與太尊合日月變色小陰五行與天時合有大陰昏風雲

起 經曰八風太乙者畢星之使也故曰八風與太乙合在王相

之地雲起小雨八風與五星合與天時合陰日月有變八風與帝

符合八風與天星合有疾風日月為變八風與太乙合陰宮有雨

陰

合陽宮有風 經曰五風太乙者箕星之使也故曰五風五風與
太乙合在王相之地日月有變連陰不見天暴風雨與太尊合天
小陰雨日月有變五風與飛鳥合五風與天符合有大風雨五風
與天時合大風五風與天目合大陰小風日月有變 經曰五風三
者心星之使也心有三星故曰三風三風與太乙合在王相之地
日月無光三風與天時合有小陰風三風與飛鳥合有疾風日月
變色三風與太尊合小陰風與天符合小陰風與五風合日月有
變色小陰風與天星合天溫小風陰日月有變三風與五風合有
大陰雨 經曰太乙數者五子元七十二局之數也數與太乙合
日暈大風起數與太乙衝者得三十日暈大風數得四十陰雨黃
霧數得五十天目王相合日暈數與太乙挾天目陰雨日暈大風
數與飛鳥合六八九宮日暈數與天地并日暈天十地九與主計 數
八合日暈數與天地相當大風太乙飛鳥合疾風

推候日精太乙雲氣 經曰常以太乙初移宮日出日午日晡餘二

日不候也及時計初移宮時餘二時亦不占當候之日上下左右
若氣色青而日時計三四則變發在寅卯時若雲氣色赤而日時

計得九二則變發在巳午時若雲氣色白而日時計得七六則變
發在申酉時若雲氣色黑而日時計得一八則變發在亥子時

經曰帝符太尊天時五行八風五風三風與太乙合在陽宮則為
晴為旱合在陰宮則為陰為雨合陽者陽位合陰者陰位也天皇
與太乙合在陽宮則日暈合在陰宮則月暈復昏飛鳥與太乙合
狂風從其下來天氣純厚則雨天氣華薄則風天氣黃霧不則暈
天氣黑赤則風天氣青白則寒天氣凝潤則霧雨雲氣如掃則晴
雲色文彩輪菌蕭索則天大晴若天旱則以常陽占之若天雨則
以常陰占之若得王相氣則其變疾而速也

武經總要後集卷第十九

太乙定主客勝負陽局立成

第一局 甲子 丙子 戊子 庚子 壬子

太乙在一宮天目武德 主筭七主大將七宮客目掩主叅將一
宮囚始擊將大武掩主大將 客筭十三和客大將三宮發客叅
將九宮格計神寅 此局客筭長和門具將發利為客見陣利先
動出軍宜東北戰利西南利直戰舉青旗雲氣東北來客勝聞賊
備西南奇兵西南伏兵利戌亥時 太乙雖助主大將為客目掩
之筭短不和不利為主聞賊備西南

第二局 乙丑 丁丑 己丑 辛丑 癸丑

太乙在一宮天目大族 主筭六不和主大將六宮內迫主叅將
八宮外迫始擊將陰主擊 客筭一不和客大將一宮囚主挾客
叅將三宮利計神丑 此局主大小將挾客大將客大將囚主客

俱不利各宜固守 主聞賊備正西 客聞賊備西北

第三局 丙寅 戊寅 庚寅 壬寅 甲寅

太乙在一宮天目陰主辰迫 主筭單一不和主大將一宮囚主
叅將三宮發始擊將大義辰退 客筭四不和客大將四宮發客
叅將二宮發計神子 此局客筭長門具將發利為客見陣利為
先動出軍宜正東戰正西利銳陣舉赤旗雲氣從東來客勝聞賊
備西北奇兵西北伏兵利戌亥時 主目辰迫不和筭短大將囚
不利為主宜固守聞賊備正東

第四局 丁卯 己卯 辛卯 癸卯 乙卯

太乙在二宮天目陰德 主筭二十五八門杜主大將叅將不出
中宮始擊將陽德 客筭十七不和客大將七宮迫叅將一宮發
計神亥 此局主人杜塞無門客筭不和客大將迫主客俱不利
主聞賊備西北客聞賊備東北

第五局 戊辰 庚辰 壬辰 甲辰 丙辰

太乙在二宮天目陰德 主筭二十五八門杜主大將叅將不出
中宮始擊將呂申 客筭十四和客大將四宮發客叅將二宮囚
計神戌 此局太乙助客 筭和客大將發利為客見陣利先動出
軍宜正東戰利正西利銳陣舉赤旗雲氣從東來客勝聞賊東北
奇兵東北伏兵利己午未時 主人杜塞不利宜固守聞賊備正
東

第六局 己巳 辛巳 癸巳 乙巳 丁巳

太乙在二宮天目大義 主筭二十五八門杜主大將叅將不出
中宮始擊將太陽 客筭十孤陽客大將一宮發客叅將三宮發
計申酉 此局太乙助客 大小將發利為客見陣利先動出軍
宜西北戰利東南利曲陣舉黑旗雲氣西北來客勝聞賊備東南
奇兵東南伏兵利己午未時 主人杜塞不利宜固守聞賊備西

北

第七局 庚午 壬午 甲午 丙午 戊午

太乙在三宮天目地主 主筭八不和主大將八宮內迫主參將
四宮八迫始擊將大神 客筭二十五八門杜客大將參將不出
中宮計神甲 此局主人大小將迫客杜塞無門主客俱不利各
宜固守 主聞賊倫正北 客聞賊倫東南

第八局 辛未 癸未 乙未 丁未 己未

太乙在三宮天目陽德辰迫 主筭一和主大將一宮發主參將
三宮囚始擊將大武 客筭二十二客大將二宮發客參將六宮
發計神未 此局客筭長和門具將發利為客見陣利先動出軍
宜正南戰利正北用圓陣舉黃旗雲氣從南來客勝聞賊倫西南
奇兵西伏兵利丑寅時 主迫筭短參將囚主人不利宜固守聞
賊倫西北

第九局 壬申 甲申 丙申 戊申 庚申

太乙在三宮天目和德囚 主筭三不和主大將三宮囚主參將
九宮發始擊將大族 客筭十五八門杜客大將參將不出中宮
計神午 此局主目大將囚客杜塞無門主客俱不利各宜固守
主聞賊倫東北 客聞賊倫東北

第十局 癸酉 乙酉 丁酉 己酉 辛酉

太乙在四宮天目呂申辰迫 主筭一和主大將一宮發主參將
三宮內迫始擊將陰德 客筭十二長和客大將二宮發客參將
六宮格計神己 此局客筭長和將發利為客見陣利先動出
軍宜正南戰利正北用圓陣舉黃旗雲氣從南來客勝聞賊倫西
北奇兵西北伏兵利寅卯辰時 主目參將迫太乙雖助主人筭
短不利宜固守聞賊倫東北

第十一局 甲戌 丙戌 戊戌 庚戌 壬戌

太乙在四宮天目高裏囚 主筭四十不和主大將四宮囚主叅
將二宮發始擊將陽德 客筭四不和客大將四宮囚客叅將二
宮發計神辰 此局主客大將囚主客俱不利各宜固守 主聞
賊倫正東 客聞賊倫東北

第十二局 乙亥 丁亥 己亥 辛亥 癸亥

太乙在四宮天目大陽辰迫 主筭三十七長和主大將七宮發
主叅將一宮發始擊將呂申辰擊 客筭一客大將一宮發客叅
將三宮內迫計神卯 此局太乙助主、人筭長和大小將門具
將發利為主見陣利後動出軍宜西南戰利東北用方陣舉白旗
雲氣從西南來主勝聞賊倫東南奇兵東南伏兵利寅卯辰時
客筭短不和客目辰擊叅將內迫不利為客宜固守聞賊倫東北

第十三局 丙子 戊子 庚子 壬子 甲子

太乙在六宮天目大艮 主筭十八短和主大將八宮發主叅將
四宮格始擊將太陽 客筭十九長和客大將九宮發客叅將七
宮發計神寅 此局太乙助客大小將利主見陣利後動出軍宜
正北戰利正南利曲陣舉黑旗雲氣從北來主勝聞賊倫東南奇
兵東南伏兵利申酉戌時 客見陣利先動出軍宜東南戰利西
北利斂陣舉赤旗雲氣從東南來客勝聞賊倫東南伏兵利申酉
戌時

第十四局 丁丑 己丑 辛丑 癸丑 乙丑

太乙在六宮天目大神 主筭十孤陽主大將一宮外迫主叅將
三宮發始擊將大威 客筭九和客大將九宮發客叅將七宮內
迫計神丑 此局太乙助客筭和客大將發利為客見陣利先動出
軍宜東南戰利西北利斂陣舉赤旗雲氣從東南來聞賊倫正南
奇兵正南伏兵利申酉戌時 主大將迫不利為主宜固守聞賊
倫東南

第十五局 戊寅 庚寅 壬寅 甲寅 丙寅

太乙在六宮天目天威 主筭九和主大將九宮發主叅將七宮
內迫始擊將大武擊 客筭七不和客大將七宮內迫客叅將一
宮外迫計神子 此局主人門具將發利為主見陣利後動出軍
宜東南戰利西北利銳陣舉赤旗雲氣從東來主勝聞賊正南來
伏兵利酉戌時 客日擊太乙主目挾客大將客大小將迫不利
為客宜固守聞賊備正南

第十六局 己卯 辛卯 癸卯 乙卯 丁卯

太乙在七宮天目天道辰迫 主筭一和主大將二宮發主叅將
三宮格始格將大族 客筭三十三長和客大將三宮格客叅將
九宮發計神亥 此局太乙助客雖大將格叅將發客筭長和利
為客見陣利先動出軍宜東北戰西南利直陣舉青旗雲氣從東
北來客勝聞賊備正西奇兵正西伏兵利未申時 主目辰迫筭

短叅將格不利為主宜固守聞賊備東北

第十七局 庚辰 壬辰 甲辰 丙辰 戊辰

太乙在七宮天目大武囚 主筭七不和主大將七宮囚主叅將
一宮發始擊將大義 客筭二十七不和客大將七宮囚叅將一
宮發計神戌 此局文昌將囚主客大將囚主客大將相閑主人
閑客主客俱不利各固守 主聞賊備西南 客聞賊備正西

第十八局 辛巳 癸巳 乙巳 丁巳 己巳

太乙在七宮天目大武囚 主筭七不和主大將七宮囚主叅將
一宮發客挾始擊將地主 客筭一十六不和客大將六宮外迫
客叅將八宮發計神酉 此局主人大小將挾客大將客大小將
又挾主人叅將主客俱不利各宜固守 主聞賊備正西客聞賊

備西南

第十九局 壬午 甲午 丙午 戊午 庚午

太乙在八宮天目武德客挾主筭八不和主大將八宮囚主參將
四宮發始擊將德 客筭三十二長和客大將二宮 客參將六
宮發計神申 此局客大將維格筭長和大小將挾文昌依、利
客見陣利先動出軍宜正南戰利正北利圓陣舉黃旗雲氣從南
來客勝聞賊備東北奇兵利子丑時 主人筭短主目為客挾之
大將囚太乙助主不利為主宜固守聞賊備西南

第二十局

癸未

乙未

丁未 紀辛未

癸未

太乙在八宮天目太族 主筭大和主大將七宮發主參將一宮
內迫始擊將太陽 客筭二十六客大將六宮主挾客參將八宮
囚計神未 此局太乙助主、大小將挾客主筭和將發利為
主見陣利後動出軍宜西南戰利東北利方陣舉白旗雲氣從西
南來主勝聞賊備西南奇兵西南伏兵利亥子丑時 客大將主
人大小將挾之不利為客宜固守聞賊備西南

第二十一局

甲申

丙申

戊申

庚申

壬申

太乙在八宮天目陰主 主筭二筭短主大將二宮格主參將六
宮發始擊將大神 客筭十七長和客大將七宮發客參將一宮
內迫計神午 此局主大小將挾客大將客不利主大將格筭短
主客勢均各宜固守 主人聞賊備西南 客聞賊備正西

第二十二局

乙酉

丁酉

己酉

辛酉

癸酉

太乙在九宮天目陰德 主筭十六和主大將六宮發主參將八
宮發始擊將天道 客筭三十孤陽不和客大將三宮發客參將
九宮囚計神巳 此局主人大小將門具將發利為主見陣利後
動出軍西戰利止東利方陣舉白旗雲氣從西來主人勝聞賊備
西北奇兵西北伏兵利辰巳時 客筭孤陽不和參將囚不利為
客宜固守聞賊備西北

第二十三局

丙戌

戊戌

庚戌

壬戌

甲戌

太乙在九宮天目陰德 主筭十六和主大將六宮發主參將八宮發始擊將武德 客筭二十三長大將三宮參將九宮因計神辰 此局主客俱利主人筭和門具將發利為主見陣利後動出軍宜正西戰利正東利方陣舉白旗雲氣從西來主勝賊備西北伏兵利辰巳時 客筭長太乙助參將雖因依利客見陣利先動出軍宜東北戰利西南利直陣舉青旗雲氣從東北來客勝聞賊備西南奇兵西南伏兵利辰巳時

第二十四局 丁亥 巳亥 辛亥 癸亥 乙亥

太乙在九宮天目大義 主筭十六短主大將六宮主參將八宮發始擊陰主 客筭十七長和客大將七宮發客參將一宮格計神卯 此局客大小將挾主大將太乙助客長和利為客見陣利先動出軍宜西南戰利東北利方陣舉白旗雲氣從西來主勝聞賊備西北奇兵西伏兵利辰巳時 主人筭短客大小將挾主大

將不利為主宜固守聞賊備西北

第二十五局 戊子 庚子 壬子 甲子 丙子

太乙在一宮天目地主 主筭三十九主大將九宮格挾主參將七宮發始擊將大義辰擊 客筭四十孤陰客大將四宮發客參將三宮發計神寅 此局客筭長大小將門具將發利為客見陣利先動出軍宜正東戰利正西宜旣陣舉赤旗雲氣從東來客勝聞賊備西北奇兵西北伏兵利戌亥時 主人大將格太乙雖助主大將為客大小將挾之主人不利益固守聞賊備東北

第二十六局 巳丑 辛丑 癸丑 乙丑 丁丑

太乙在一宮天目陽德 主筭三十二長主大將二宮發主參將六宮內迫始擊將和德 客筭三十一客大將一宮內客參將三官發計神丑 此局太乙助主一筭長大將發利為主見陣利後動出軍宜正南戰利正北利圓陣舉黃旗雲氣從南來主人勝聞

賊備東北奇兵東北伏兵利戌亥時 客大將囚筭短不利為客
宜固守聞賊備東北

第二十七局 庚寅 壬寅 甲寅 丙寅 戊寅

太乙在一宮天目和德 主筭三十主大將一宮囚主參將三
宮天目囚始擊將高裏 客筭二十八和客大將八宮和主挾客
參將四宮發計神子 此局太乙雖助主主人大將囚參將又與
天目囚主大小將挾客大將客大小將挾主參將主客俱不利各
宜固守 主聞賊備東北客聞賊備正東

第二十八局 辛卯 癸卯 乙卯 丁卯 己卯

太乙在二宮天目呂申 主筭十四長主大將四宮發主參將二
宮囚始擊將大昊 客筭九客大將九宮內迫主挾客參將三宮
外迫計神亥 此局太乙雖助客主人大小將與太乙俱挾客大
將客大小將挾太乙并主參將主客俱不利各宜固守 主聞賊

備東北客聞賊備東南

第二十九局 壬辰 甲辰 丙辰 戊辰 庚辰

太乙在二宮天目高裏 主筭十三主大將三宮發主參將九宮
內迫始擊將天道擊 客筭三十九客大將九宮內迫客參將七
宮外迫計神戌 此局主筭和客大將發利為主見陣利後動出軍
宜東北戰利西宜直陣舉青旗雲氣從東北來主勝聞賊備正東
奇兵正東伏兵利巳午未時 客目擊大小將迫太乙雖助客筭
不利宜固守聞賊備日

第三十局 癸巳 乙巳 丁巳 己巳 辛巳

太乙在二宮天目太陽 主筭十孤陽主大將一宮發主參將三
宮發始擊將武德 客筭二十二大將二宮囚客參將六宮發計
神酉 此局主人門具將發利為主見陣利後動出軍宜西北見
陣利東南利西陣舉黑旗雲氣從西北來主聞賊備東南奇兵東

南伏兵利己午未時 太乙雖敗客大將囚客不利宜固守聞賊
備西南

第三十一局 甲午 丙午 戊午 庚午 壬午

太乙在三宮天目大靈 主筭三十三主大將二宮囚主叅將九
宮與主目囚始擊將陰主 客筭十和孤陽客大將一宮發客叅
將三宮囚計神申 此局客筭和將發利為客見陣利先動出
軍宜西北戰利東南用曲陣舉黑旗雲氣從西北來客勝聞賊備
西北奇兵西北伏兵利丑寅時 太乙雖助主、筭不和將囚
叅將主目囚主人不利宜固守聞賊備東南

第三十二局 乙未 丁未 己未 辛未 癸未

太乙在三宮天目大神 主筭二十五八門杜主大將叅將不出
中宮始擊將地主宮擊 客筭八短客大將八宮內迫客叅將四
宮外迫計神 此局主人杜塞無門不利客大小將迫筭短主客

俱不利各宜固守主聞賊備東南客聞賊備正北

第三十三局 丙申 戊申 庚申 壬申 甲申

太乙在三宮天目大威 主筭二十四長主大將四宮八迫客挾
主叅將二宮發始擊將和德掩擊 客長三客大將三宮囚客叅
將九宮主挾計神午 此局太乙雖助主、筭不和將迫客大
將囚大小將挾主人大將主大小將挾客叅將主客俱不利各宜
固守主聞賊備正南客聞賊備東北

第三十四局 丁酉 己酉 辛酉 癸酉 乙酉

太乙在四宮天目天道 主筭二十六長格主大將六宮格主叅
將八宮發始擊將高裏 客筭四客大將四宮囚客叅將一宮發
計神巳 此局太乙助主大將雖格筭長和叅將發依、利主見
陣利後動出軍宜正西戰利正東利方陣舉白旗雲氣從西來主
勝聞賊備西南奇兵西南伏兵利戌亥時 客大將囚不利為客

宜固守聞賊備止東

第三十五局 戊戌 庚戌 壬戌 甲戌 丙戌

太乙在四宮天目大武 主筭二十五八門杜主大將參將不出
中宮始擊將大神 客筭二十八長客大將八宮發客參將四宮
囚計神辰 此局客筭長大小將發利為客見陣利先動出軍宜
正北戰利正南用曲陣舉黑旗雲氣從北來客勝聞賊備東南奇
兵東南伏兵利寅卯辰時 主人杜塞無門不利宜固守聞賊備
西南

第三十六局 己亥 辛亥 癸亥 乙亥 丁亥

太乙在四宮天目大武 主筭二十五八門杜主大將參將不出
中宮始擊將大武 客筭二十七長和客大將七宮發客參將一
宮發計神卯 此局客筭長大小將發利為客見陣利先動出軍
宜西南戰利東北利方陣舉白旗雲氣從西南來客勝聞賊備止
南奇兵正南伏兵利寅卯辰時 主人杜塞無門不利宜固守聞
賊備西南

第三十七局 庚子 壬子 甲子 丙子 戊子

太乙在六宮挾天目武德迫 主筭一主大將一宮外迫主參將
三宮發始擊將大武擊 客筭七客大將七宮內迫客參將一宮
外迫計神寅 此局大將迫與客參將并主客俱不利宜固守客
聞賊備

第三十八局 辛丑 癸丑 乙丑 丁丑 己丑

太乙在六宮天目大族囚 主筭六主大將六宮囚主參將八宮
發始擊將陰主 客筭二十五八門杜客大將不出中宮計神丑
此局主目大將囚客杜塞無門主客俱不利各宜固守 主聞賊
備正西 客聞賊備西北

第三十九局 壬寅 甲寅 丙寅 戊寅 庚寅

太乙在六宮天目陰主辰迫 主筭三十五八門杜主大將叅將
不出中宮始擊將大義 客筭三十四和客大將四宮格叅將二
宮發計神子 此局客大將維格筭和太乙助客利為客見陣利
先動出軍宜正東戰利正西利斃陣舉赤旗雲氣從東來客勝聞
賊倫西北奇兵西北伏兵利申酉戌時主人杜塞無門不利為主
宜固守聞賊倫西北

第四十局 癸卯 乙卯 丁卯 巳卯 辛卯

太乙在七宮天目陰德 主筭二十七不和主大將七宮囚主叅
將 宮發始擊將陽德 客筭十九客大將九宮發客叅將七宮
囚計神亥 此局太乙助客筭和將利依、利客見陣利先動
出軍利東南戰利西北利斃陣舉赤旗雲氣從東南來客勝聞賊
倫東北奇兵東北伏兵利未申時 主人筭不和將囚不利為
主聞賊倫西北

第四十一局 甲辰 丙辰 戊辰 庚辰 壬辰

太乙在七宮天目陰德客挾 主筭二十七不和主將七宮囚主
叅將一宮客挾始擊將呂申 客筭十六不和客大將六宮外迫
主挾客叅將八宮發計神戌 此局主大將囚客大將迫主人大
小將挾客大將客大小將又挾主目及叅將主客俱不利各宜固
守 主聞賊倫西北 客聞賊倫東北

第四十二局 乙巳 丁巳 己巳 辛巳 癸巳

太乙在七宮客挾天目大義 主筭二十七主大將七宮客挾囚
主叅將一宮始擊將太陽 客筭十二客大將二宮內迫客叅將
六宮外迫主挾計神酉 此局客大將挾太乙主大將囚客大小
將挾主大將客大小將迫主客俱不利各宜固守 主聞賊倫西
北 客聞賊倫東南

第四十三局 丙午 戊午 庚午 壬午 甲午

太乙在八宮天目地主囚 主筭八不和主大將八宮囚主叅將
四宮始擊將大神 客筭十七長和客大將七宮發客叅將一宮
內迫計神申 此局客筭長和客大將利、為客見陣利先動出
軍宜西南戰利東北利方陣舉白旗雲氣從西南來客勝聞賊備
東南奇兵東南伏兵利亥子丑時 主人筭短主目主大將囚不
利為主宜固守聞賊備正北

第四十四局 丁未 巳未 辛未 癸未 乙未

太乙在八宮天目陽德辰迫 主筭三十二長主大將三宮外迫
主叅將九宮客挾始擊將大武 客筭十四客大將四宮發主挾
客叅將二宮格計神未 此局主目大將發叅將為客挾不利為
主客大將為主大小將挾之叅將格不利為客主客俱不利各宜
固守 主聞賊備東北 客聞賊備西南

第四十五局 戊申 庚申 壬申 甲申 丙申

太乙在八宮天目和德宮迫 主筭三十二長和主大將二宮格
主叅將六宮發始擊將大族 客筭七短客大將七宮主挾客叅
將宮內迫計神午 此局主大將雖格叅將發主筭長和依、利
主太乙利主見陣利後動出軍宜正南戰利正北利圓陣舉黃旗
雲氣從南來主人勝聞賊備東北奇兵東北伏兵利亥子丑時
客大將為主大小將挾主叅將內迫筭短不利為客宜固守聞賊
備正西

第四十六局 巳酉 辛酉 癸酉 乙酉 丁酉

太乙在九宮天目呂申 主筭五八門杜主大將叅將不出中宮
始擊將陰德 客筭十六長和客大將六宮發客叅將八宮發計
神巳 此局客筭長和大小將門具將發利為客見陣利先動出
軍宜正西戰利正東利方陣舉白旗雲氣從西來客勝聞賊備西
北伏兵利辰巳時 主人杜塞無門不利宜固守聞賊備東北

第四十七局 庚戌 壬戌 甲戌 丙戌 戊戌

太乙在九宮主挾天目高裏宮迫 主筭四不和主大將四宮內迫主參將二宮外迫始擊將

四宮內迫計神辰 此局客筭長大將發太乙助客利為客見陣利先動出軍宜正北戰利正南利曲陣舉黑旗雲氣從北來客勝聞賊備東北奇兵東北伏兵利辰巳時 主人大小將迫挾太乙筭短不利為主宜固守聞賊備東北

第四十八局 辛亥 癸亥 乙亥 丁亥 巳亥

太乙在九宮天目太陽辰迫 主筭一主大將一宮格主參將三宮發始擊將呂申 客筭五八門杜客大將參將不出中宮計神卯 此局主目迫大將進格客大小將杜塞無門主客俱不利各宜固守主聞賊備東北客聞賊備東北

第四十九局 壬子 甲子 丙子 戊子 庚子

太乙在一宮天目太昊 主筭二十四長和主大將四宮發主參將二宮發始擊將太陽 客筭二十五八門杜客大將參將不出中宮計神寅 此局太乙助主筭長和大小將門具將發利為主見陣利後動出軍宜正東戰利正西利銳陣舉赤旗雲氣從東來主勝聞賊東南奇兵東南伏兵利戌亥時 客杜塞無門不利宜固守聞賊備東南

第五十局 癸丑 乙丑 丁丑 巳丑 辛丑

太乙在一宮天目大神 主筭十六長和主大將六宮內迫主參將八宮外迫始擊將大威 客筭十五八門杜客大將參將不出中宮計神丑 此局太乙維助主大小將迫客杜塞無門主客俱不利各宜固守 主聞賊備東南 客聞賊備西南

第五十一局 甲寅 丙寅 戊寅 庚寅 壬寅

太乙在一宮天目大威 主筭十五八門杜主大將參將不出中

宮始擊將大武 客筭十三和客大將三宮發客參將九宮格計
神子 此局客筭長和大將發利為客見陣利先動出軍宜東北
戰利西南利直陣舉青旗雲氣從東北來客勝聞賊備西南奇兵
西南伏兵利戌亥時 主人杜塞無門不利宜固守聞賊備正南

第五十二局 乙卯 丁卯 巳卯 辛卯 癸卯

太乙在二宮主挾天目天道辰迫 主筭三十九主大將九宮內
迫主參將七宮外迫始擊將大族 客筭三十一和客大將一宮
發客參將三宮發計神亥 此局太乙助客、筭和門具將發利
為客見陣利先動出軍宜西北戰利東南利曲陣舉黑旗雲氣從
西北來客勝聞賊備正西奇兵正西伏兵利巳午未時 主人大
小將迫不利主宜固守聞賊備西南

第五十三局 丙辰 戊辰 庚辰 壬辰 甲辰

太乙在二宮天目大武宮迫 主筭三十八長主大將八宮格主
參將四宮發始擊將大義 客筭二十五八門杜客大將參將不
出中宮計神戌此局主筭長大將雖格參將發依、利主見陣利
後動出軍宜正北戰利正南利曲陣舉黑旗雲氣從北來主勝聞
賊備西南奇兵西南伏兵利巳午未時 客杜塞無門不利宜固
守聞賊備西北

第五十四局 丁巳 己巳 辛巳 癸巳 乙巳

太乙在二宮天目大武宮迫 主筭三十八主大將八宮格主參
將四宮發始擊將地主 客筭二十四和客大將四宮發客參將
二宮囚計神酉 此局太乙助客大將發利為客見陣利先動出
軍宜正東戰利正西利銳陣舉赤旗雲氣從東來客勝聞賊備正
北奇兵正北伏兵利巳午未時 主人大將格主目迫不利為主
宜固守聞賊備西南

第五十五局 戊午 庚午 壬午 甲午 丙午

太乙在三宮天目武德 主筭十六長和主大將六宮發主參將
八宮內迫始擊將和德掩擊 客筭三十不和客大將三宮囚客
參將九宮發計神申 此局太乙助主筭長和將發利為主見
陣利後動出軍宜正西戰利正東利方陣舉白旗雲氣從西來主
勝聞賊備西南奇兵西南伏兵利寅卯辰時 客目掩擊大將囚
不利為客宜固守聞賊備東北

第五十六局 巳未 辛未 癸未 乙未 丁未

太乙在三宮天目大族 主筭十五八門杜主大將參將不出中
宮始擊將太陽 客筭三十四長客大將四宮外迫客參將二宮
發計神未 此局主人杜塞無門客大將迫主客俱不利各宜固
守 主聞賊備正東 客聞賊備東南

第五十七局 庚申 壬申 甲申 丙申 戊申

太乙在三宮天目陰主 主筭十狼陽和主大將一宮發主參將
三宮囚始擊將大神 客筭二十五八門杜客大將參將不出中
宮計神午 此局太乙助主 筭和將發利為主見陣利後動
出軍宜西北戰利南利曲陣舉黑旗雲氣從西北來主勝聞賊備
西北奇兵西北伏兵利丑寅時 客杜塞無門不利宜固守聞賊
備東南

第五十八局 辛酉 癸酉 乙酉 丁酉 己酉

太乙在四宮天目陰德 主筭十二和主大將二宮發主參將六
宮格與客大將始擊將天道 客筭二十六客大將與六宮格與
參將聞客參將八宮發計神巳 此局太乙助主 筭和將發
利為主見陣利後動出軍宜正南戰利正北利圓陣舉黃旗雲氣
從南來主勝聞賊備西北奇兵西北伏兵利寅卯辰時 客大將
格不利宜固守聞賊備西南

第五十九局 壬戌 甲戌 丙戌 戊戌 庚戌

太乙在四宮天目陰德 主筭十二短主大將二宮客挾主參將
六宮格始擊將武德 客筭十九長客大將九宮外迫客參將七
宮主挾計神辰 此局太乙雖助主人大將為客大小將挾之客
大將迫主大將挾客參將主客俱不利各宜固守 主聞賊備東
北 客聞賊備東南

第六十局 癸亥 乙亥 丁亥 己亥 辛亥

太乙在四宮客挾天目大義 主筭十二和主大將二宮發主參
將六宮格始擊將地主 客筭十三不和客大將三宮內迫客參
將九宮外迫計神卯 此局太乙助主一人筭和將發利為主
見陣利後動出軍宜正南戰利正北利圓陣舉黃旗雲氣從南來
主人聞賊備西北奇兵西北伏兵利寅卯辰時 客筭不和大小
將迫不利宜固守聞賊備西北

第六十一局 甲子 丙子 戊子 庚子 壬子

太乙在六宮天目地主 主筭三十三長和主大將三宮發主參
將九宮客挾始擊將大義 客筭三十四客大將四宮格主挾客
參將二宮發計神寅 此局主筭和主參將雖為客挾主大小將
挾客大將利為主見陣利後動出軍宜東北戰利西南利直陣舉
青旗雲氣從東北來主人聞賊備正北奇兵正北伏兵利申酉戌
時 客大將格太乙雖助客不利聞賊備西北

第六十二局 乙丑 丁丑 己丑 辛丑 癸丑

太乙在六宮天目陽德 主筭二十六主大將六宮囚主參將八
宮發始擊將和德 客筭二十五八門杜客大將參將不出中宮
計神丑 此局主大將囚杜塞無門主客俱不利各宜固守 主
聞賊備東北 客聞賊備正北

第六十三局 丙寅 戊寅 庚寅 壬寅 甲寅

太乙在六宮天目和德 主筭二十五主大將參將不出中宮始

擊將高裏 客筭二十二客大將二宮發客參將六宮因計神子
此局太乙助客大將發見陣利先動出軍宜正南戰利正北利圓
陣舉黃旗雲氣從 來客勝聞賊備正東奇兵正東伏兵利申
戌時 主人杜塞無門不利為主宜固守聞賊備東北

第六十四局 丁卯 巳卯 辛卯 癸卯 乙卯

太乙在七宮天目呂申 主筭十六不和主大將六宮外迫主參
將八宮發始擊將大炁 客筭十一客大將一宮主挾客參將三
宮格計神亥 此局主人大小將挾客大將主筭不和將迫主
客得不利各宜固守 主聞賊備東北 客聞賊備東南

第六十五局 戊辰 庚辰 壬辰 甲辰 丙辰

太乙在七宮天目高裏 主筭十五八門杜大將參將不出中宮
始擊將天道辰擊 客筭一客大將一宮發客參將三宮格計神
戌 此局雖天目擊太乙助客、大將發依、利客見陣利先動

東

出軍宜西北戰利西南利方陣舉白旗雲氣從西北來客勝聞賊
備西南奇兵西南伏兵利未申時 主人杜塞無門不利宜固守
聞賊備正東

第六十六局 己巳 辛巳 癸巳 乙巳 丁巳

太乙在七宮主挾天目太陽 主筭十二主大將二宮內迫主參
將六宮外迫始擊將武德辰擊 客筭三十四長和客大將四宮
發客參將二宮內迫計神酉 此局太乙助客、筭長大將發利
為客見陣利先動出軍宜正東戰利正西利銳陣舉赤旗雲氣從
東來客勝聞賊備西南奇兵西南伏兵利未申時 主人大小將
迫不利宜固守聞賊備東南

第六十七局 庚午 壬午 甲午 丙午 戊午

太乙在八宮天目大炁 主筭二十五八門杜主大將參將不出
中宮始擊將陰主 客筭二和客大將二宮格客參將六宮發計

神申 此局太乙助客筭和 大將維格 參將發利 為客見陣利先
動出軍宜正南 戰利正北 利圓陣舉黃旗 雲氣從南來 客勝聞賊
備西北 奇兵西北 伏兵亥子丑時 主人杜塞無門 不利宜固
守聞賊 備東南

第六十八局 辛未 癸未 乙未 丁未 巳未

太乙在八宮 天目大神 主筭十七 長和主 大將七宮 發主 參將
一宮內迫 始擊將地 主掩 客筭八 不和 大將八宮 囚客 參將四
宮發計 神未 此局太乙助主、人筭長和 大將發 參將維迫 利
為主 見陣利後 動出軍宜西南 戰利東北 利方陣 舉白旗 雲氣從
西南來 主勝聞賊 備東南 奇兵東南 伏兵亥子丑時 客目掩
筭短 不和 大將囚 不利宜固守 聞賊 備正北

第六十九局 壬申 甲申 丙申 戊申 庚申

太乙在八宮 天目大威 主筭十六 和主 大將六宮 發主 參將八
宮囚 始擊將和 德宮擊 客筭三十二 客大將二宮 格客 參將六
宮發計 神午 此局太乙助主、大將發 依、利主 見陣利 動
出軍宜正西 戰利正東 利方陣 舉白旗 雲氣從西來 主勝聞賊 備
正南 奇兵正南 伏兵亥子丑時 客目擊 大將格 不利為客宜
固守 聞賊 備東北

第七十局 癸酉 乙酉 丁酉 巳酉 辛酉

太乙在九宮 天目天道 主筭三十 長主 大將三宮 發主 參將九
宮囚 始擊將高 稟宮擊 客筭四 不和 客大將四宮內迫 主挾客
參將二宮外迫 計神巳 此局主 大將發 筭長 大小將 挾客 目大
將利為主 見陣利後 動出軍宜東北 戰利西南 利直陣 舉青旗 雲
氣從東北來 主勝聞賊 備西南 奇兵西南 伏兵辰巳時 客目
擊 大小將迫 主挾客 大將不利 為客宜固守 聞賊 備正東

第七十一局 甲戌 丙戌 戊戌 庚戌 壬戌

太乙在九宮天目大武 主筭二十九主大將九宮囚主參將七宮挾始擊將大神辰擊 客筭三十二客大將二宮外迫太乙天目主挾客參將六宮發計神辰 此局太乙天目主人大小將客挾客大小將挾主參將主人大將囚客大將迫主客俱不利各宜固守 主聞賊備西南 客聞賊備東南

第七十二局 乙亥 丁亥 巳亥 辛亥 癸亥

太乙在九宮天目大武 主筭二十九主大將九宮囚主參將七宮與主目囚始擊將大威宮擊 客筭三十二客大將一宮格客參將三宮發計神卯 此局太乙助客筭長和將維格參將發依、利客見陣利先動出軍宜西北戰利東南利曲陣舉黑旗雲氣從西北來客勝聞賊備正南奇兵正南伏兵利辰巳時 主目大小將囚不利為主宜固守聞賊備西南 太乙定主客勝負陰局立成

第一局 甲子 丙子 戊子 庚子 壬子

太乙在九宮天目呂申 主筭五八門杜主大將參將不出中宮始擊將大武 客筭二十九不和客大將九宮囚客參將七宮發計神申 此局主人杜塞無門客大將囚主客俱不利各宜固守主聞賊備東南 客聞賊備西南

第二局 乙丑 丁丑 巳丑 辛丑 癸丑

太乙在九宮天目高裏 主筭四不和主大將四宮內囚迫主參將二宮外迫始擊將陰主 客筭十七長和客大將七宮發客參將一宮格計神未 此局太乙助客、筭長和客大將發利為客見陣利為先動出軍宜西南戰利東北利方陣舉白旗雲氣從西南來客勝聞賊備西北奇兵西北伏兵利辰巳時 主人大小將迫筭短不和不利為主宜固守 聞賊備正東

第三局 丙寅 戊寅 庚寅 壬寅 甲寅

太乙在九宮天目太陽辰迫 主筭一主大將一宮格主叅將三
宮發始擊將大義 客筭十六長和客大將六宮發客叅將八宮
發計神午 此局客筭長和大小將迫利為客見陣利先動出軍
宜正西戰利正東利方陣舉白旗雲氣從西來客勝聞賊備西北
奇兵西北伏兵利辰巳時 主目辰迫雖太乙助主大將格不利
為主宜固守聞賊備東南

第四局 丁卯 巳卯 辛卯 癸卯 乙卯

太乙在八宮天目大炁 主筭二十五八門杜主大將叅將不出
中宮始擊將陽德辰擊 客筭三十三客外迫客叅將九宮發計
神巳 此局主人杜塞無門客目擊大將外迫主客俱不利各宜
固守 主聞賊備西南 客聞賊備東北

第五局 戊辰 庚辰 壬辰 甲辰 丙辰

太乙在八宮天目大炁 主筭二十五八門杜主大將叅將不出
中宮始擊將呂申 客筭三十孤陽不和客大將三宮外迫客叅
將九宮發計神辰 此局主人杜塞無門不利客筭孤陽不利大
將迫主客俱不利各宜固守 主聞賊備東南 客聞賊備東北

第六局 巳巳 辛巳 癸巳 乙巳 丁巳

太乙在八宮天目大神 主筭十七和主大將七宮發主叅將一
宮客挾始擊將太陽 客筭二十六長和客大將六宮主挾客叅
將八宮囚計神卯 此局太乙助主筭長和大小將挾客大將利
為主見陣利後動出軍宜西南戰利東北利方陣舉白旗雲氣從
西南來主勝聞賊備東南奇兵東南伏兵利亥子丑時 客筭雖
長和將為主人大小將挾之叅將囚不利為客宜固守聞賊備
東南

第七局 庚午 壬午 甲午 丙午 戊午

太乙在七宮主將挾天目大威 主筭二不和主大將二宮內迫

容大將三宮格恭將九
宮發計神寅 此局太
乙助客算長和

主叅將六宮外迫始擊將大神 客算三長和 大將雖格叅將發
依、利客見陣利先動出軍宜東北戰利西南利直陣舉青旗雲
氣從東北來客勝聞賊備東南奇兵東南伏兵利未申時 主人
算不和大小將迫狹太乙不利為主宜固守聞賊備正南

第八局 辛未 癸未 乙未 丁未 巳未

太乙在七宮天目天道辰迫 主算一短不利主大將一宮與客
叅將聞主叅將三宮格始擊將大武掩 客算七不和客大將七
宮囚客叅將一宮與主大將聞計神丑 此局主人算短不利主
目迫大將與客叅將相聞叅將格目掩算不和大將囚主客俱不
利各宜固守 主聞賊備西南 客聞賊備西南

第九局 壬申 甲申 丙申 戊申 庚申

太乙在七宮天目大武囚 主算七短不和大將七宮囚主叅
將一宮發始擊將大族宮擊 客算三十四長和客大將四宮發

客叅將二宮內迫計神子 此局太乙助客算長和 大將發叅將
雖迫利為客見陣利先動出軍宜正東戰利正西利銳陣舉赤旗
雲氣從東來客勝聞賊備正西奇兵正西伏兵利未時 主目大
將囚算短不和叅將雖發不利為主宜固守聞賊備西南

第十局 癸酉 乙酉 丁酉 巳酉 辛酉

太乙在六宮天目武德辰迫 主算一短主大將一宮外主叅將
三宮發始擊將陰德呂擊 客算二十四長和 大將四宮格客叅
將二宮發計神亥 此局太乙助客、算長和 大將雖格叅將發
依、利客見陣利先動出軍宜正東戰利正西利銳陣舉赤旗雲
氣從正東來客勝聞賊備西北奇兵西北伏兵利申酉戌時 主
算短主目大將迫叅將雖發不利為主人宜固守聞賊備西南

第十一局 甲戌 丙戌 戊戌 庚戌 壬戌

太乙在六宮天目太族囚 主算六主大將六宮囚主叅將八宮

與客參將閔始擊將陰德 客筭二十六不和客大將六宮囚客
參將八宮與主參將閔計神戌 此局主目囚主客大將囚參將
閔主客俱不利各宜固守 主聞賊備正西 客聞賊備東北

第十二局 乙亥 丁亥 巳亥 辛亥 癸亥

太乙在六宮天目陰德辰迫 主筭三十五八門杜主大將參將
不出中宮始擊將呂申 客筭二十三長和客大將三宮發客參
將九宮發計神酉 此局太乙助客筭長和大小將門具將發利
為客見陣利先動出軍宜東北戰利西南利直陣舉青旗雲氣從
東北來客勝聞賊備東北奇兵東北伏兵利申酉戌時 主人杜
塞無門不利宜固守聞賊備東北

第十三局 丙子 戊子 庚子 壬子 甲子

太乙在四宮天目陰德 主筭十二短主大將六宮發主參將六
宮客挾主參將太陽神擊 客筭三十七長和客大將七宮主挾

辰

客參將一宮發計神申 此局主人筭短大將雖發參將為客挾
之客目擊參將發大將為主挾之主客俱不利各宜固守 主聞

維

賊備東南 客聞賊備東南

第十四局 丁丑 巳丑 辛丑 癸丑 乙丑

太乙在四宮天目大義 主筭十二筭短和主大將二宮發主參
將六宮客挾格始擊將大威 客筭二十七長和客大將七宮主
挾客參將一宮發計神未 此局主筭短主大小將挾客大將挾
主參將主客俱不利各宜固守 主聞賊備西南客聞賊備正南

第十五局 戊寅 庚寅 壬寅 甲寅 丙寅

太乙在四宮天目地主 主筭十一主大將一宮發主參將三宮
內迫始擊將大武 客筭二十五八門杜客大將參將不出中宮
計神午此局主參將雖迫大將發利為主見陣利後動出軍宜西
北戰利東南利曲陣舉黑旗雲氣從北來主人聞賊備正北奇兵

正北伏兵利寅卯辰時 客杜塞無門不利宜固守聞賊備西南
第十六局 巳卯 辛卯 癸卯 乙卯 丁卯

太乙在三宮天目陽德辰迫 主筭一主大將一宮發主參將三
宮囚始擊將大族 客筭十五八門杜客大將參將不出中宮計
神巳 此局主參將雖囚太乙助主參將發依、利主見陣利後
動出軍宜西北戰利東南利曲陣舉黑旗雲氣從西北來主勝聞
賊備東北奇兵東北伏兵利丑寅時 客杜塞無門不利宜固守
客聞賊備正西

第十七局 庚辰 壬辰 甲辰 丙辰 戊辰

太乙在三宮天目和德囚 主筭三短主大將三宮囚主參將九
宮與客大將開始擊將大義 客筭九不和客大將九宮與主參
將七宮格計神辰 此局主參將與客大將關主目大將囚主客
將聞客筭不和客俱不利各宜固守主聞賊備東北客聞賊備西北

第十八局 辛巳 癸巳 乙巳 丁巳 己巳

太乙在三宮天目和德囚 主筭三主大將三宮客挾囚主參將
九宮發始擊將地主宮擊 客筭八不和客大將八宮內迫參將
四宮外迫主挾計神卯 此局主目大將囚客挾主客目迫大將
擊參將主挾迫主客俱不利各宜固守 主聞賊備正北 客聞
賊備東北

第十九局 壬午 甲午 丙午 戊午 庚午

太乙在二宮天目呂申 主筭十四短和主大將四宮發主參將
二宮格始擊將和德 客筭十六長不和客大將六宮發客參將
八宮格計神寅 此局主客俱利太乙助客、筭長不和大將發
利為客見陣利先動出軍宜正西戰利正東利方陣舉白旗雲氣
從西來客勝聞賊備東北奇兵東北伏兵利巳午未時主筭和參
將雖格大將發為主見陣利後動出軍宜正東戰利正西利銳陣

舉赤旗雲氣從東來主聞賊備東北奇兵東北伏兵利已午未時

第二十局 癸未 乙未 丁未 己未 辛未

太乙在二宮天目高裏閔客 主算十三長和主大將三宮與客
參將閔主參將九宮內迫始擊將太陽 客算十孤陽客大將一
宮發客參將二宮主大將閔計神丑 此局主算長和主大將與
客參將相閔主人閔客、敗主人勝見陣利後動出軍宜東北戰
利西南利直陣舉青旗雲氣從東北來主勝聞賊備正東奇兵正
東伏兵利已午未時 客算短參將與主大將相閔主人閔客、
不利益固守聞賊備東南

第二十一局 甲申 丙申 戊申 庚申 壬申

太乙在二宮天目太陽 主算十孤陽主大將一宮與客大將閔
主參將三宮與客參將閔始擊將大神 客算一客大將一宮與
主大將閔客參將三宮與主參將閔計神子 此局主客俱不利
各宜固守 主聞賊備東南 客聞賊備東南

第二十二局 乙酉 丁酉 己酉 辛酉 癸酉

太乙在一宮天目大昊閔客 主算二十四長和主大將四宮與客
大將開主參將二宮與客參將開始擊將天道 客算十四客大
將四宮與主大將開計神亥 此局大乙敗主主人開客、敗主
勝利為主見陣利後動出軍宜正東戰利正西利銳陣舉赤旗雲
氣從東來主勝聞備東南奇兵東南伏兵利戌亥時客為主人開
不利益固守聞賊備西南

第二十三局 丙戌 戊戌 庚戌 壬戌 甲戌

太乙在一宮天目大昊 主算二十四長主大將四宮發主參將
二宮發始擊將武德 客算七客算短和客大將七宮發客參一

宮囚計神成 此局太乙助主算長大小將聞具將發利為主見陣利後動出軍宜正東戰利正西利銳陣舉赤旗雲氣從東主朕聞賊備東南奇兵東南伏兵利戌亥時 客算短參將囚不利為客宜固守聞賊備正南

第二十四局 丁亥 巳亥 辛亥 癸亥 乙亥

太乙在一宮天目大神 主算十六長和主大將六宮內迫主參將八宮客挾始擊將陰主 客算一客大將主挾囚客參將三宮發計神酉 此局太乙助主算長和將迫參將為客挾之主人不利 客算短大將迫主挾之參將雖發不利為客主客俱不利 各宜固守 主聞賊備南 客聞賊備正西

第二十五局 戊子 庚子 壬子 甲子 丙子

太乙在九宮天目大威宮迫 主算三十一長和主大將一宮客挾格主參將三宮發始擊將大義 客算十六客大將六宮發客參將八宮主挾計神申 此局太乙助客大將發大小將挾主大將主敗客見陣利先動出軍宜正西戰利正東利方陣舉白旗雲氣從西來客聞賊備西北奇兵西北伏兵利辰巳時 主大將為客挾天目迫大將格不利為主宜固守聞賊備正南

第二十六局 巳丑 辛丑 癸丑 乙丑 丁丑

太乙在六宮天目天道 主算三十孤陽不和主大將三宮客目掩之主參將九宮發始擊將和德掩主大將 客算七和客大將七宮發客參將一宮格計神未 此局太乙助客、目掩主大將客大將發利為客見陣利先動出軍宜西南戰利東北利方陣舉白旗雲氣從南來客勝聞賊備東北奇兵東北伏兵利辰巳時 主算孤陽不和主大將為客掩之不利為主宜固守聞賊備西南

第二十七局 庚寅 壬寅 甲寅 丙寅 戊寅

太乙在九宮天目大武 主算二十九長不和主大將九宮囚客

掩主叅將七宮發始擊將高裏掩大將 客筭四客大將四宮客
目掩擊客叅將二宮主挾計神午 此局太乙助客目大將掩叅
將為主挾客大小將挾主大將囚主客俱不利各宜固守 主聞
賊倫西南 客聞賊倫正東

第二十八局 辛卯 癸卯 乙卯 丁卯 己卯

太乙在八宮天目武德 主筭八不和主大將八宮囚主叅將四
宮發始擊將大炁 客筭二十五八門杜客大將叅將不出中宮
計神己 此局主大將囚客杜塞無門主客俱不利各宜固守

主聞賊倫西南 客聞賊倫東南

第二十九局 壬辰 甲辰 丙辰 戊辰 庚辰

太乙在八宮天目大族 主筭七和主大將七宮發主叅將一宮
內迫始擊將天道 客筭十五八門杜客大將不出中宮計神辰
此局太乙助主 筭和叅將雖迫大將發利為主見陣利後動出

軍宜西南戰利東北利方陣舉白旗雲氣從西南來主勝聞賊倫
正西奇兵正西伏兵利亥子丑時 客杜塞無門不利宜固守聞
賊倫西南

第三十局 癸巳 乙巳 丁巳 己巳 辛巳

太乙在八宮天目陰主 主筭二主大將二宮格主叅將六宮發
始擊將武德 客筭八客大將八宮囚客叅將四宮發計神卯
此局太乙助主大將雖格叅將發依 利主見陣利後動出軍宜
正南戰利正北利圓陣舉黃旗雲氣從南來主勝聞賊倫西北奇
兵西北伏兵利亥子丑時 客大將囚叅將雖發不利宜固守聞
賊倫西南

第三十一局 甲午 丙午 戊午 庚午 壬午

太乙在七宮天目陰德 主筭二十七主大將七宮囚主叅將一
宮主目囚始擊將陰主 客筭二十八長和客大將八宮發客叅將

四宮發計神寅 此局太乙助客、筭長和大小將門具將發利
為客見陣利先動出軍宜正北戰利正南利曲陣舉黑旗雲氣從
西北來客勝聞賊備西北奇兵西北伏兵利未申時 主大將因
叅將與主目囚不利為主宜固守聞賊備西北

第三十二局 乙未 丁未 己未 辛未 癸未

太乙在七宮天目大義 主筭二十七不和主大將七宮囚主叅
將一宮客挾始擊將地主 客筭二十七不和主大將七宮囚主
叅將一宮客目掩計神丑 此局太乙助客、大將迫主挾之主
客俱不利各宜固守 主聞賊備西北 客聞賊備正北

第三十三局 丙申 戊申 庚申 壬申 甲申

太乙在七宮天目地主 主筭二十六不和主大將六宮外迫主
叅將八宮與客大將開始擊將和德 客筭二十八和客大將八
宮與主 將聞客叅將四宮發計神子 此局太乙助客、大將

與主叅將相關大將外迫主客俱不利各宜固守 主聞賊備正
北 客聞賊備東北

第三十四局 丁酉 己酉 辛酉 癸酉 乙酉

太乙在六宮天目陽德 主筭二十六不和主大將六宮囚與客
叅將聞主叅將八宮發始擊將高裏 客筭二十二客大將二宮
發客叅將六宮與主大將聞計神亥 此局太乙助客叅將與主
大將相關主人客大將發利為客見陣利先動出軍宜正南戰利
正北利圓陣舉黃旗雲氣從南來客勝聞賊備正東奇兵正東伏
兵利申酉戌時 主大將囚客聞主人不利為主宜固守聞賊備
東北

第三十五局 戊戌 庚戌 壬戌 甲戌 丙戌

太乙在六宮天目和德 主筭二十五八門柱主大將叅將不出
中宮始擊將大神 客筭十孤陽客大將一宮外迫客叅將三宮

發計神戌 此局主筭杜塞無門客筭孤陽叅將維發大將外迫
主客俱不利各宜固守 主聞賊備東北 客聞賊備東南

第三十六局 己亥 辛亥 癸亥 乙亥 丁亥

太乙在六宮天目和德 主筭二十五八門杜主大將叅將不出
中宮始擊將大威 客筭九客大將九宮發客叅將七宮內迫計
神酉 此局太乙助客、大將發利為客見陣利先動出軍宜東
南戰利西北利銳陣舉赤旗雲氣從東南來客勝聞賊備正南奇
兵正南伏兵利申酉時 主人杜塞無門不利宜固守聞賊備東北

第三十七局 庚子 壬子 甲子 丙子 戊子

太乙在四宮天目呂申辰迫 主筭一主大將一宮發主叅將三
宮內迫始擊將大武 客主二十五八門杜客大將叅將不出中
宮計神申 此局太乙助主、大將發叅將維迫依、利主見陣
利後動出軍宜西北戰利東南利曲陣舉黑旗雲氣從西北來主

勝聞賊備東北奇兵東北伏兵利寅卯辰時 客杜塞無門不利

宜固守聞賊備西南

第三十八局 辛丑 癸丑 乙丑 丁丑 己丑

太乙在四宮天目高裏囚 主筭四主大將四宮客挾囚主叅將
二宮始擊將陰主 客筭十三客大將三宮內迫客叅將九宮主
挾計神未 此局太乙助主、大將因為客挾主目客大將迫叅
將為主挾客、主俱不利各宜固守主聞賊備東北客聞賊備西北

第三十九局 壬寅 甲寅 丙寅 戊寅 庚寅

太乙在四宮天目太陽辰迫 主筭三十七長和主大將七宮客
挾主叅將一宮發始擊將大義 客筭十二短和客大將二宮內
迫客叅將六宮挾主大將計神午 此局太乙維助主、大將為
客挾客筭短大將內迫叅將為主挾主客俱不利各宜固守 主
聞賊備東北 客聞賊備西北

第四十局 癸卯 乙卯 丁卯 己卯 辛卯

太乙在三宮天目大炁 主筭三十三長不和主大將三宮囚主
叅將九宮囚始擊將陽德擊 客筭一客大將一宮發客叅將三
宮囚計神已 此局太乙助主、筭不和叅將維發大將囚客目
辰擊短叅將主客俱不利各宜固守 主聞賊備東南

第四十一局 甲辰 丙辰 戊辰 庚辰 壬辰

太乙在三宮天目大炁 主筭三十三主大將三宮客挾囚主叅
將九宮始擊將呂申 客筭三十八客大將八宮內迫客叅將四
宮主挾計神辰 此局主大將囚客挾之客大將迫叅將為主挾
主客俱不利各宜固守 主聞賊備東南 客聞賊備東北

第四十二局 乙巳 丁巳 己巳 辛巳 癸巳

太乙在三宮天目大神 主筭二十五八門杜主大將叅將不出
中宮始擊將太陽 客筭三十四客大將四宮外迫客叅將二客宮

發計神卯 此局主策杜塞無門客大將迫主客俱不利各宜固

守 主聞賊備東南 客聞賊備東北

第四十三局 丙午 戊午 庚午 壬午 甲午

太乙在二宮天目大威囚 主筭二不和主大將二宮囚主叅將
六宮發始擊將大神 客筭一客大將一宮發客叅將三宮發計
神寅 此局太乙助客、大小將門具將發利為客見陣利後動

出軍宜西北戰利東南利曲陣舉黑旗雲氣從西北來客勝聞賊

備東南奇兵東南伏兵利己午未時 主目主大將囚不利為主

宜固守聞賊備正南

第四十四局 丁未 己未 辛未 癸未 乙未

太乙在二宮天目天道天迫 主筭三十九主大將九宮內迫主
叅將七宮外迫始擊將大武 客筭三十八客大將八宮格客叅
將四宮發計神丑 此局太乙助客、大將維格叅將發依、利

客見陣利先動出軍宜正北戰利正南利西陣舉黑旗雲氣從北來客勝聞賊備西南奇兵西南伏兵利己午未時 主目大小將迫不利宜固守聞賊備西南

第四十五局 戊申 庚申 壬申 甲申 丙申

太乙在二宮天目大武宮迫 主筭三十八主大將八宮格客挾主叅將四宮發始擊將大族 客筭三十一客大將一宮發客叅將三宮主挾計神子 此局太乙助客、大將發大小將挾主大將主敗客勝見陣利先動出軍宜西北戰利東南利西陣舉黑旗雲氣從北來客勝聞賊備正西奇兵正西伏兵利己午未時 主目迫大將格客挾之不利為主宜固守聞賊備西南

第四十六局 巳酉 辛酉 癸酉 乙酉 丁酉

太乙在一宮天目武德 主叅七主大將七宮發主叅將一宮囚始擊將陰德 客筭一客大將一宮囚客叅將三宮發計神亥

此局太乙助主大將發利為主見陣利後動出軍宜西南戰利東北利方陣舉白旗雲氣從西南來主勝聞賊備西南奇兵西南伏兵利戌亥時 客叅將雖發大將囚不利為客宜固守聞賊備西北

第四十七局 庚戌 壬戌 甲戌 丙戌 戊戌

太乙在一宮天目太族宮迫 主筭六主大將六宮內迫主叅將八宮外迫始擊將陽德 客筭三十二長客大將二宮發客叅將六宮內迫計神戌 此局客筭長大將發利為客見陣利先動出軍宜正南戰利正北利圓陣舉黃旗雲氣從南來客勝聞賊備東北奇兵東北伏兵利戌亥時 主目大小將迫太乙雖助主不利為主宜固守聞賊備正西

第四十八局 辛亥 癸亥 乙亥 丁亥 己亥

太乙在一宮天目陰主辰迫 主筭一主大將一宮囚主叅將三宮發始擊將呂申 客筭十九長和客大將九宮格客叅將七宮

發計神酉 此局太乙助客、筭長和大將維格參將發依之利
客見陣利先動出軍宜東南戰利東北利銳陣舉赤旗雲氣從東西
南來客勝聞賊備東北奇兵東北伏兵利戌亥時 主大將囚筭
短不利為主宜固守聞賊備西北

第四十九局 壬子 甲子 丙子 戊子 庚子

太乙在九宮天目陰德 主筭十六長和主大將六宮發主參將
八宮客挾始擊將太陽 客筭一客大將一宮主挾格客參將三
宮發計神申 此局主筭長和大將發參將維格客挾利為主見陣
利後動出軍宜正西戰利正東利方陣舉白旗雲氣從西來主勝
聞賊備西北奇兵西北伏兵利辰巳時 客筭短大將格為主挾
不利為客宜固守聞賊備東南

第五十局 癸丑 乙丑 丁丑 己丑 辛丑

太乙在九宮天目大義 主筭十六長和主大將六宮發主參將
八宮客挾始擊將大武宮擊 客筭三十一客大將一宮主挾格
客參將三宮發計神未 此局主筭長和大小將門具將發挾客
大將客敗主勝利為主見陣利後動出軍宜正西戰利正東利方
陣舉白旗雲氣從西來主勝聞賊備西北奇兵西北伏兵利辰巳
時 客目擊參將維發大將為主挾不利為客宜固守聞賊備正南

第五十一局 甲寅 丙寅 戊寅 庚寅 壬寅

太乙在九宮天目地主 主筭十五八門杜主大將參將不出中
宮始擊將大武 客筭二十九客大將九宮囚客參將七宮發計
神午 此局主筭杜塞無門客大將囚主客俱不利各宜固守
主聞賊備正北 客聞賊備正西

第五十二局 乙卯 丁卯 己卯 辛卯 癸卯

太乙在八宮天目陽德辰擊 主筭三十三長不和主大將三宮
內迫主參將九宮與客大將開始擊將太陽 客筭九客大將九

宮與主參將閔客參將七宮發計神巳 此局主目辰迫大將迫
客大將與主參將相閔主客俱不利各宜固守 主聞賊備東南
客聞賊備正西

第五十三局 丙辰 戊辰 庚辰 壬辰 甲辰

太乙在八宮天目和德宮迫 主筭三十二長主大將二宮格主
參將六宮發始擊將大義辰擊 客筭一客大將一宮內迫客參
將三宮發計神辰 此局太乙助主、筭長大將維格參將發依
依利主見陣利後動出軍宜正南戰利正北利圓陣舉黃旗雲氣
從南來主勝聞賊備東北奇兵東北伏兵利亥子丑時 客筭短
大將迫不利為客宜固守聞賊備西北

第五十四局 丁巳 己巳 辛巳 癸巳 乙巳

太乙在八宮天目和德辰迫 主筭三十二長主大將二宮格主
參將六宮發始擊將地主掩 主筭八客大將八宮囚客參將四
宮發計神卯 此局太乙助主、筭長大將維格參將發依、利
主見陣利後動出軍宜正南戰利正北利圓陣舉黃旗雲氣從南
來主勝聞賊備東北奇兵東北伏兵利亥子丑時 客目掩大將
囚不利為客宜固守聞賊備正北

第五十五局 戊午 庚午 壬午 甲午 丙午

太乙在七宮天目呂申 主筭十六主大將六宮外迫主參將八
宮與客大將閔始擊將和德 客筭十八客大將八宮與主參將
閔客參將四宮計神寅 此局主大將迫參將與客大將閔客主
俱不利各宜固守 主聞賊備東北 客聞賊聞東北

第五十六局 己未 辛未 癸未 乙未 丁未

太乙在七宮天目高裏 主筭十六主大將六宮外迫主參將八
宮與客大將閔始擊將和德 客筭十八客大將八宮與主參將
閔客參將四宮計神丑 此局主筭短大將外迫客大將內迫主

客得不利各宜固守 主聞賊備東北 客聞賊備東北

第五十七局 庚申 壬申 甲申 丙申 戊申

太乙在七宮天目太陽 主算十二不和主大將二宮內迫主參
將六宮外迫始擊將大神 客算三和客大將三宮格客參將九
宮發計神子 此局客算和太乙敗客大將維格參將發依、利
主見陣利先動出軍宜東北戰利西南利直陣舉青旗雲氣從東
北來客勝聞賊備東南奇兵東南伏兵利未申時 主算不和大
小將迫不利為主宜固守聞賊備東南

第五十八局 辛酉 癸酉 乙酉 丁酉 己酉

太乙在六宮天目大炁 主算十八主大將八宮與客大將閔主
參將四宮發客參將閔始擊將天道 客算八客大將八宮與主
大將閔客參將四宮與主參將閔計神亥 此局主人閔客、敗
主人勝利為主見陣利後動出軍宜止北戰利正南利曲陣舉黑
旗雲氣從北來主勝聞賊備東南奇兵東南伏兵利申酉時 客

大將為主閔不利為客宜固守聞賊備西南

第五十九局 壬戌 甲戌 丙戌 戊戌 庚戌

太乙在六宮天目大炁 主算十八主大將八宮客挾主參將四
宮格始擊將武德 客算一客大將一宮外迫客參將三宮主挾
計神戌 此局主客大小將相關客閔主、敗客大將迫參將主
挾之客不利各宜固守 主聞賊備東南 客聞賊備西南

第六十局 癸亥 乙亥 丁亥 己亥 辛亥

太乙在六宮天目大神 主算十六主大將六宮外迫主參將三
宮發始擊將陰主 客算三十五八門杜客大將參將不出中宮
計神酉 此局主人將迫客杜塞無門主客俱不利各宜固守
主聞賊備東南 客聞賊備西北

第六十一局 甲子 丙子 戊子 庚子 壬子

太乙在四宮天目大威 主筭二十七主大將七宮客挾主參將
一宮發始擊將大義 客筭十二客大將二宮擊主目客參將六
宮主挾計神申 此局主大將為客挾大將擊主目參將主挾之
主客俱不利各宜固守 主聞賊備止南 客聞賊備西北

第六十二局 乙丑 丁丑 己丑 辛丑 癸丑

太乙在四宮天目天道 主筭二十六主大將六宮格主參將八
宮發始擊將和德宮擊 客筭三客大將三宮內迫客參將九宮
外迫計神未 此局太乙助主大將雖格參將發依一利主見陣
利後動出軍宜止西戰利正東利方陣舉白旗雲氣從西來主勝
聞賊備西南奇兵西南伏兵利辰卯時 客大小將迫客目擊不
利為客宜固守聞賊備東北

第六十三局 丙寅 戊寅 庚寅 壬寅 甲寅

太乙在四宮天目大武 主筭二十五八門杜主大將參將不出
中宮始擊將高秉掩 客筭四客大將四宮擊客參將二宮發計
神子 此局主筭杜塞無門客目掩大將擊主客俱不利各宜固
守 主聞賊備西南 客聞賊備止東

第六十四局 丁卯 己卯 辛卯 癸卯 乙卯

太乙在三宮天目大武 主筭十六和主大將六宮發主參將八
宮內迫始擊將大昊 客筭三十三不和客大將三宮囚客參將
九宮發計神巳 此局太乙助主大將發筭和利為主見陣利後
動出軍宜止西戰利正東利方陣舉白旗雲氣從西來主勝聞賊
備西南奇兵西南伏兵利丑寅時 客筭不和客大將囚不利為客
宜固守聞賊備東南

第六十五局 戊辰 庚辰 壬辰 甲辰 丙辰

太乙在三宮天目大族 主筭十五八門杜主大將參將不出中
宮始擊將天道 客筭二十三不和客大將三宮囚客參將九宮

發計神辰 此局主筭杜塞無門客筭不和 大將囚主客俱不利
各宜固守 主聞賊備正西 客聞賊備西南

第六十六局 巳巳 辛巳 癸巳 乙巳 丁巳

太乙在三宮天目陰主 主筭十孤陽主大將一宮客挾主叅將
三宮囚始擊將武德 客筭十六長和客大將六宮發客叅將八
宮主挾計神卯 此局客筭長和叅將雖為主挾大將發利為客
見陣利先動出軍宜正西戰利正東利方陣舉白旗雲氣從西來
客勝聞賊備西南奇兵西南伏兵利寅丑時 主大將為客挾叅
將囚不利為主宜固守聞賊備西北

第六十七局 庚午 壬午 甲午 丙午 戊午

太乙在二宮天目陰德客目掩 主筭二十五八門柱主大將叅
將不出中宮始擊將陰主掩主目 客筭二十六客大將六宮發
客叅將八宮格計神寅 此局太乙助客、目掩主目叅將維格

大將發利為客見陣利先動出軍宜正西戰利正東利方陣舉白
旗雲氣從西來客勝聞賊備西北奇兵西北伏兵利巳午未時
主筭杜塞無門主目為客目掩不利為主宜固守聞賊備西北

第六十八局 辛未 癸未 乙未 丁未 巳未

太乙在二宮天目大義 主筭二十五八門柱主大將叅將不出
中宮始擊將地主 客筭二十四和客大將四宮發客叅將二宮
囚計神丑 此局客筭和叅將雖囚大將發利為客見陣利先動
出軍宜正東戰利正西利銳陣舉赤旗雲氣從東來客勝聞賊備
正東奇兵正東伏兵利巳午未時 主筭杜塞無門不利宜固守
聞賊備西北

第六十九局 壬申 甲申 丙申 戊申 庚申

太乙在二宮天目地主 主筭二十四長和客大將四宮發主叅
將二宮囚始擊將和德 客筭十六不和筭短客大將六宮發客

參將六宮格計神子 此局主筭長和大將發利為主見陣利後
動出軍宜止東戰利正西利銳陣舉赤旗雲氣從東來主勝聞賊
倫正北奇兵正北伏兵利巳午未時 客參筭短不和參將格不
利為客宜固守聞賊備東北

第七十局 癸酉 乙酉 丁酉 巳酉 辛酉

太乙在一宮天目陽德 主筭十二筭長主大將二宮發主參將
六宮外迫始擊將高裏 客筭二十八筭短客大將八宮外迫客
參將四宮發計神亥 此局主筭長和大將發利為主見陣利後
動出軍宜正南戰利正北利圓陣舉黃旗雲氣從南來主勝聞賊
倫東北奇兵東北伏兵利戌亥時 客筭短大將發不利為客宜
固守聞賊倫止東

第七十一局 甲戌 丙戌 戊戌 庚戌 壬戌

太乙在一宮天日和德 主筭三十一主大將一宮客挾囚主參
將三宮發始擊將大神 客筭十六客大將六宮外迫客參將八
宮主挾計神戌 此局主大將客挾之客大將外迫參將主挾之
主客俱不利各宜固守 主聞賊倫東北 客聞賊倫東南

第七十二局 乙亥 丁亥 巳亥 辛亥 癸亥

太乙在一宮天日和德 主筭三十一主大將一宮囚主參將三
宮發始擊將大威 客筭十五八門杜塞客大將參將不出中宮
計神酉 此局主大將囚客杜塞無門主客俱不利各宜固守
主聞賊倫東北 客聞賊倫正南

武經總要後集卷之二十

占候五

六壬

遁甲

六壬

六壬之說出於陰陽家流按大衍教云天一生水始於北方許慎釋文曰水者準也生教一成教五以水教配之為六壬也又曰昔軒轅帝受式於玄女離為三品以法三才率以五行災祥言之夫臨戎對敵洞究術教辨休王而去狗忌則天人之際有以相助歟

出軍決勝雜占

凡六壬之法先求日宿之宮而為將次取於日辰其日辰陰陽共為四課將者玄為登明古書皆云為正月將今引而證之昔後漢太初元年丁丑冬至之日、在斗宿二十度至今 皇宋慶曆甲申崇天曆冬至之日、在斗宿五度八十四分此驗可以知之經一十九甲子一千一百四十八年太陽行度退縮不及者一十四度

有奇零每八十五年退一度每年不及者一分差矣今即不指定亥為登明止月時但太陽行黃道入宮則為其將皆無差失矣自慶曆四年甲申歲逐月中氣後太陽黃道入宮所用神將列之如左

雨水止月中日在危十五度四十九分後一日入雙魚宮其神登明

春分二月中日在奎二度四分後三日入白羊宮其神天魁

穀雨三月中日在胃一度五十三分後五日入金牛宮其神從魁

小滿四月中日在畢五度九十六分後五日入陰陽宮其神傳送

夏至五月中日在井八度四十分後六日入巨蟹宮其神小吉

大暑六月中日在柳五度二十八分後三日入獅子宮其神勝光

處暑七月中日在張十二度二十二分後四日入雙女宮其神太乙

秋分八月中日在軫四度九十三分後八日入天枰宮其神天罡

霜降九月中日在亢四度四十六分後十日入天蠲宮其神大衡

小雪十月中日在尾初度五十分後八日入人馬宮其神功曹

冬至十一月中日在斗五度八十四分後四日入磨碣宮其神大吉

大寒十二月中日在女五度九十二分後八日一寶瓶宮其神、后

凡言日辰者日即五音之陰陽而為十干日也辰者六律以其陽律陰呂配之為十二辰

入式明相生剋等例

甲乙寅卯木 丙丁巳午火 庚辛申酉金 壬癸亥子水 戊己

辰戌丑未土 甲課寅

乙課辰 丙戌課巳 丁巳課未 庚課申 辛課戌 壬課亥

癸課丑 甲課在寅乙居辰 丙戌課巳不須論 丁巳在未庚申

位 辛戌壬亥定其真 癸日遊來丑上坐 遊都之法動鬼神

相生例

金生水 水生木 木生火 火生土 土生金

相剋例

金剋木 木剋土 土剋水 水剋火 火剋金

相刑例

寅刑巳 巳刑申 申刑寅 丑刑寅 戌刑未 未刑丑

子刑卯 卯刑子 辰午酉亥自刑

相衝例

子午卯酉 辰戌丑未 寅申巳亥

入式課加臨求用例

凡用式之法以太陽黃道宮神加占事之時四課之中以下剋上為用如無下剋上始以上剋下為用若二三四上剋或下剋當以此為用俱此俱不此以涉害深為用、為初傳、之為次傳末傳

無相剋取日辰遙剋例

四課無相剋先取辰遙剋日如無即取日遙剋辰為用因而傳之為

三傳

昂星例

四課無遙相剋剋日仰視酉上柔日伏視從魁所臨為用剋日先辰後日柔日先日後辰為三傳若昂星不倫為無四課當別摘一神為用剋日以干合上神柔日以支合上神為用次傳日上末與初傳同

伏吟例

十二神各歸本位剋用日柔用辰為用盡刑及衝為三傳六乙日伏吟有剋為用先衝後刑為中末用辰午酉亥自刑之辰剋日先傳日後傳辰柔日先傳辰後傳日以刑及衝為末

反吟例

子午相加是也十二辰各易其位如常課再衝為中末傳無相剋有是四名四柔巳丑辛丑丁丑辛未是也當以辰衝為用次辰上末日上為三辰傳衝丑日衝巳、上為用未日衝亥、上為用丁未巳未

天吟屬八專依八專辰上陰神逆數三辰為用次傳末傳日上重之
八專例

唐申丁未己未甲寅癸丑五日為八專為陰陽共處相剋如常課占
之若無相剋剋日從日上陽神順數三辰為用柔日從辰上陰神逆
數三辰為用第二課是辰之陰神次傳末傳皆日辰之上重臨之以
上門例各得用起三傳

求天乙十二將

天乙居中而前盡於五後盡於六其前也皆背天門而向地戶數至
用起之神所臨地傳盡於三傳而各得其名將求天乙賢人所臨以
日宿所臨之辰加時分之晝夜凡星隱為晝星出為夜甲戌庚日晝
丑夜未乙巳之日晝子夜申丙丁之日晝亥夜酉壬癸之日晝巳夜
卯六辛之日晝午復寅

天乙賢人前

一騰蛇 二朱雀 三玄武 四勾陳 五青龍

天乙賢人後

一天后 二太陰 三六合 四太常 五白馬 六天空

出軍行師起課十二將吉凶

用起天乙 將兵大捷開地千里敵人畏伏

用起騰蛇 兵數驚駭上下相敵士卒損傷

用起朱雀 士卒驚恐妄作口舌

用起六合 將兵戰勝得女子金帛

用起勾陳 士卒戰死軍折馬傷

用起青龍 將兵大勝得敵人邦國營寨府庫

用起天后 不戰憂敗

用起太陰 士卒怯弱

用起玄武 軍移遺失戰不利

用起太常 將兵大勝又主衣服華飾事
用起白虎 將帥士卒死
用起天空 士卒不利防欺詐
凡 魁神與將比合相生王相吉相剋休囚凶若神與將相剋則為內
外戰皆不利比合神者登明神后以下十二神也將者天乙前五
後六是也

內外戰法

黃帝曰神將內戰禍害難解神將外戰禍害易解神剋將為內戰將
剋神為外戰

釋卦名

凡以上剋下為用卦名元首主臣忠子孝事因男子聞事皆實此事
行軍利先不利後利害不利主
凡以下剋上為用卦名重審事起女人下凌於上事多不順此時行

凡擇日諸家六壬各有擇日法多與月內凶辰六壬神殺相犯忌之
叶吉犯之有殃諸家舊法亦皆存之於後凶辰合避今錄之於前
凡出軍忌月建之日損大將其次應行軍避忌凶忌之日不可用兵
凡天火狼籍日凶不可用兵 正五九月在子 二六十月在外

三七十一月在午 四八十二月在酉

凡八龍七鳥九帛六蛇日凶 春甲子乙亥為八龍 夏丙子丁亥
為七鳥 秋庚子辛亥為九帛 冬壬子癸亥為六蛇

凡七醜之日忌行軍 乙戌己辛壬之日臨子午卯酉之辰此是九
醜占時更遇大吉殺神臨支干上大凶

凡性亡日月蝕不出軍歸亦忌不宜用

凡平日收日為天罡天魁不可用

凡兵禁日不宜出軍 正月起寅逆行六陽辰

凡大敗日與咸池日同 正月起卯逆行四仲

凡四離日不可用春分秋分夏至冬至前一日不可用占時月宿更臨四離之辰名曰天寇凶

凡四絕日玉門經云四五前一日名曰絕辰立春立夏立秋立冬前一日不可用也占時日干臨四絕之辰名為天禍凶

凡月厭衝對之辰皆凶月厭正月起戌逆行十二辰

凡受死日凶 正戌二辰三亥四巳五子六午七丑八未九寅十申

十一卯十二酉

凡龍席日凶 正巳二亥三午四子五未六丑七申八寅九酉十卯

十一戌十二辰

凡罪至日凶 正午二子三未四丑五申六寅七酉八卯九戌十辰

十一亥十二巳

凡伐日忌攻討支剋干是也

凡飛廉大殺日凶不可用 正戌二巳三午四未五寅六卯七辰八

亥九子十丑十一申十二酉以上日不可出軍最為凶惡並須避

之

凡擇日取其王相日辰刑剋所攻之方吉若休廢無氣皆凶

神樞經曰欲出軍擇日常以天罡加月建傳送從魁下為歲前天罡

下為天府登明神后下為歲對大吉下為天倉功曹下為歲後以

上日辰皆吉 太衝下為挾畢天魁下為負衝太乙下為折衝勝

光下為掩小吉下為致死以上日皆凶

七十二占日 辰巳日再見青龍故曰辰巳利行賞賜 戌亥日再

見白虎故曰戌亥利行刑賞以順天心 辰巳日再見騰蛇宜動

內則 戌亥日再見天后宜靜內則 午日終不見太陰子日終

不見六合故子午為經不可逃己是陰陽之始也卯日終不見玄

武酉日終不見朱雀故卯酉為緯不可攻亥是陰陽之中也雖有

吉神良將猶不可用

終

黃帝占日及支日不可出軍 戌亥為月朔則一日七日十二日十九日二十五日是 申酉為月朔 則二日八日十四日二十日二十六日是 午未為月朔 則三日九日十五日二十一日二十七日是 辰巳為月朔則四日十日十六日二十二日二十八日是 寅卯為月朔則五日十一日十七日二十三日二十九日是 子丑為月朔則六日十二日十八日二十四日是 曾門經曰六窮日不可出軍每月四日十九日二十八日是 玉門經曰天乙絕氣日不出軍 正月六日二月七日三月八日四月九日五月十日六月十一日七月十二日八月十三日九月十四日十月十五日十一月十六日十二月十七日

占用兵吉日

神樞經曰將欲出兵假令本日聞警急事謂四方舉兵及攻仇惡必以火命人用火日火時從火門出兵大勝此名子孫為父母報仇勿令金命上將以金日金時出金門必敗言金剋其木日也假令三月甲子日聞警急事利以丙丁日巳午時出火門太乙勝光下大勝餘倣此

擇時擇六凶神藏吉時

謹按六壬靈匣經云甲戌庚日善能用者使前一騰蛇墜水二朱雀頭破後三玄武折足四勾陳入獄五白帛燒身六天宮破剝 假令二月庚申日申時天魁為將加坤即天乙庚日晝治禁大吉而兵臨乾前一騰蛇火神臨壬故曰墜水前二朱雀火神臨癸水故曰破頭前四勾陳土神臨申金甲木故曰入獄後三玄武水神臨坤土故曰折足後五白帛金神臨丙火故曰燒身後六天空土神臨巽木故曰破剝為吉時利於此時出軍攻討興動土功皆吉但十二月用將加課之時凡甲戌庚日晝即治晝貴神在丑夜即復治貴神在未若臨乾之時即得六凶神藏四惡殺沒於四維此時最

吉日餘七日乙巳丙丁壬癸六辛日各依日復貴神臨乾之時六
凶神藏若辰戌丑未臨乾坤艮巽四維之日即為四象沒皆為吉
時

釋四殺沒吉時

按諸家陰陽書云孟月甲庚丙壬仲月乾坤艮巽季月乙丁辛癸為
四殺沒時緣太陽每歲退女分悉退縮不及者八十五年而退一
度差殊漸多用之頗失今證之但太陽入宮以其宮為神之候太
陽至雙魚宮其神登明方可用甲丙庚壬為四殺沒於四維吉時
四殺者辰戌丑未為五墓四殺凶神四維者乾坤艮巽是也其太
陽黃道入宮度分已備釋在前今其孟仲季中氣候太陽入宮用
持法則如後

雨水後二日 小滿後五日 處暑後七日 小雪後八日

右用甲丙庚壬時為四殺沒時

春分後三日 夏至後六日 秋分後八日 冬至後四日

右用乾坤艮巽四時為四殺沒時

穀雨後五日 大暑後三日 霜降後十日 大寒後一日

右用乙丁辛癸時為四殺沒時

以上四惡殺沒於四維之上為吉神利為百事每三百六十五日隨
日東行移用一刻即一歲三百六十五日移用百刻周矣此說得
其微妙前後諸家陰陽書未嘗明

釁鼓之法

凡出軍攻敵有釁鼓之法厭伏敵人若臨陣敵使遊奕捉敵一人立
於六燾之前祝曰胡虜不道敢干天威皇天授我旗鼓摧剪兇渠
見吾旗鼓者目眩聞吾鼓聲者魂散令敵人立燾下乃腰斬之首
橫路之左足橫路之右取血以釁鼓皮乃持六燾從首足間過兵
馬大軍從之而出往必勝敵亦名六燾法

立燾下或云立鼓下

燾

嚙枚之法

凡出軍攻敵六壬宜為主後動有嚙枚之法待彼先動欲戰之時令軍中人卧旗並嚙枚坐戰待敵先發乃搥鼓大呼進擊必勝

雷公式

六壬有用雷公式取彼敵將姓名生年月日時辰朱書乃一氣書之安歲殺之下左手捻式鬼門右手轉式天罡壓之以天罡令敵畏伏自敗其法具於丑女絳囊經

出軍神道

神樞經曰出軍有神道之法陽歲用大吉陰歲用小吉加歲建之辰天上丙壬下為天道天上甲庚下為人道天上乙辛下為兵道天上丁癸下為鬼道出軍乘天道上吉人道次吉兵道見血鬼道疾病假令太歲在寅陽辰以大吉加寅天上甲庚臨地下乙辛為天道天上乙辛臨地下乾巽為兵道天上丁癸臨地下坤艮為鬼道

他皆倣此

月中神道即用大小吉加月建同此例推之

出軍權道

龍首經曰著龜能知吉凶而不能變吉凶用凶則能變吉凶故有權道

一曰討捕賊盜視日辰行年上神能制式則攻之賊不敢格閉

一曰今日之辰起後二政前四賊不敢格閉又曰子日後二在戌前

四在辰餘倣此

一曰不可以囚對相死當王謂秋甲乙向西攻盜是死當王

一曰宜以陰攻陽謂背亥子擊巳午

一曰將攻盜賊以勝光加四仲王神春木王加卯也出勾陳下必剋

一曰兵四面圍守者以月將加時出天上丁癸下吉

一曰有急往者以天魁加正時天魁加孟可入加仲在門宜固守加

季可出

一曰避危難出奔者當從開星下去吉以月將加時春三月出卯夏

三月出午秋三月出戌冬三月出亥巳上為開星下
一曰欲發亡日須避太乙直符下犯之為吏執縛 直符者正月起

天魁逆行十二辰
一曰不可以青板白言甲乙日不可西攻不可以黑向黃言壬癸日
不可攻四維他皆倣此

出軍分主客

曹門經云諸欲戰開先分主客然後方明勝負主客者以先起為客
後為主先起者無令上剋下後起者無令上剋下詳勾陳所臨
之辰若神勝將則主人勝將勝神則客勝

宿安營寨

玉門經曰出軍日暮將下營寨者以神加正時若遇三刑加日辰必
不可住三刑者太衝天罡太乙也 假令二月甲子日時加未欲

下營寨以月將天魁正時則太衝加子太乙加甲日辰並在三刑
之下夜有賊來宜急移營寨

神樞經云若有安營止宿以月將加正時魁罡加日辰軍夜驚騰蛇

白馬加日辰軍寨驚 魁罡加日大將死加辰小將死假令三月

甲申日時加丑占下營寨便以將神從魁加丑則天魁加甲天罡
加申則日辰在天魁天罡之下主其軍夜驚魁罡皆臨日辰主大
小將死

曹門經云大吉加日上急宜去不可住

一曰日辰見太衝夜必有風雨若神后太乙加日辰夜有盜賊至若
帶王相氣今夜必來若帶死囚氣不來

靈匣經曰怖不怖視五墓謂發用五墓皆恐怖墓加日辰亦不安寧
假令小吉將以甲申日時加寅占下營寨以小吉加寅則小吉為
日之墓加甲上當有恐怖此名墓加日辰不安

曾門經曰絳宮時下營利中明堂時利前玉堂時利後

敵兵相守戰與不戰

龍首經曰兩軍相當視勾陳若上下相剋必戰上下相生為不戰若
勾陳與刑弁或臨日辰亦戰故曰戰不戰視勾陳若軍出時大小
吉臨日辰則兩軍相解不戰又曰斗加孟神在丙宜止斗加仲神
在門戰必傷斗加季神在外宜出戰大勝

玉門經曰用起戰雄者勝用起戰雌者敗 戰雄者春寅夏巳秋申
冬亥 戰雌者春申夏亥利寅冬巳

神樞經曰上將軍行年若剋勾陳白帟大勝不尔勾陳剋玄武必勝
又曰勾陳所居若能制所攻之辰方勝所居之辰與勾陳並則天

乙下神能制所臨之辰是為敵降必有大勳
一曰神勝將主人敗將勝神客敗 干剋支客勝支剋干主人勝
曾門經曰上將軍本命與六害併大敗故曰敗視燕六害兼之白帟

以死若天乙臨上將行年及在有氣之鄉玄武在自死之地大勝
若玄武臨日辰逢剋時上神勿戰

一曰對敵當視天罡加孟可勞賜軍衆加仲兩相傷加季戰大勝
聞賊來未審來否

金匱經云占賊來不來當視遊都所臨遊都臨日辰賊今日至臨前
一日賊後一日至臨前二辰則後二日至臨前三辰則三日至臨

前四辰賊已過不來遊都王相剋日辰甚凶囚死不剋日辰無患
遊都臨所好之鄉不戰有降兵臨所畏之鄉大戰中外不相信臨

東方兵凶臨南方威不可當臨西方宜勞士卒臨北方利勝捷遊
都加孟賊不來加仲半路加季即至推遊都法甲巳日在丑乙庚

日在子丙辛日在寅丁壬日在巳戊癸日在申龍首經曰寧與牛
馬奴不示人遊都

靈匣經曰聞賊欲知所在以月將加正時視大吉所臨之方賊在其

下若大吉加子午賊在太衝下加丑未賊在太乙下加寅申賊在
傳送下加卯酉賊在從魁下加辰戌賊在登明下加巳亥賊在大
吉下

神樞經曰聞有賊不知在何處以正時視天目所臨方賊在其下
天目者春在辰乙下夏在柳丁下秋在胃辛下冬在女癸下

靈匣經曰聞賊來不來正時以庚為太白丙為熒惑太白入熒惑賊
來熒惑入太白不來

聞賊去不去

神樞經曰聞有賊未知去否專視斗罡若斗罡加孟則未去加仲歡
去加季賊已去

一曰聞賊未知出界當視大吉若大吉過干賊已出界大吉未過干
賊未出界在前後

占賊所在方

玉門經曰欲知賊在前後者正時加子卯巳三辰所臨若臨日賊在

前加辰賊在後 一曰太乙加日賊在前加辰及人年賊在後

龍首經曰欲求盜賊所在當於天目下求之天目者勝光下是 假

令勝光在酉賊在正西 一曰正時日辰加前有賊日辰加後無

賊 一曰神后登明加日賊在大路加辰賊在小路

一曰賊卒至宜往房星下避之房星者太衝下 假令房星加午宜

出西南避之

被兵圍

靈匣經曰或在野被兵圍欲求出者當破青龍下所謂八極其張利

如鋒鋦 青龍者天罡下是 又曰絳宮時出傳送從魁下明堂

時出太衝下玉堂時出天魁下 月將加時登明臨仲為絳宮神

后臨仲為明堂大吉臨仲為玉堂

曾門經曰忽被兵圍未知傷與不傷當視日辰若日辰上下神將相

生為不傷相剋為傷 假令今乙丑神后加乙為不傷將得天后
為重傷 若神后加丑天魁加乙為傷神后又為前二為重傷故
曰傷不傷視陰陽

一曰吉神與吉將並而臨日辰及行年勾陳所居神制所出之辰又
用起陰得傳出陽者必准免

疑有伏兵

金匱云出軍行師前後疑有伏兵者正時若遇巳申子卯四辰臨支
干比神玉相與殺並必大戰此神休廢不與殺并伏兵不敢起

金匱經曰斗加季必有伏兵 干傷支吉有伏兵在前 支傷干凶
有伏兵在後 支干俱傷有伏兵戰不勝

涉險宜在前後

黃帝占曰險隘處知憂懼謂行險恐有惡人當視日辰上而決之
日傷勿在前辰傷勿在後時下傷勿在中日辰亦勿在中 又曰

俱傷

軍利後不利先利主不利客

凡比用者為與日辰比類也卦名知一比者近也盜賊不出邑里占
賊占人皆在近也

凡涉害深為定用卦名見機謂察其微也占之所作稽留憂患難解
占出軍主損傷

凡辰遙剋日名蒿矢日遙剋辰名彈射如折蒿為矢以彈當弓皆無
所中當此之時聞事皆無所中

凡用起昴星名曰虎視剋日動行稽留於閔梁男子遠行外憂七日
伏藏不欲見人凡出軍剋日動行防忌閔梁柔日利於伏藏若攻
討彼亦必潛藏

凡天地伏吟諸神各歸其位剋日欲行中止柔日伏藏不起逃亡不
出邑里盜賊不越其境天地六合不容須臾合者將離居者將移
閔梁杜塞出軍比時皆此像也

元時值及吟天地反覆十二神各易其位禍從外來父有不順之子
君有逆節之臣內陽外陰占事災若出軍尤宜審忌

元八專之日謂甲寅丁未己未庚申癸丑之日是也謂一神二神陰
陽共為卦名惟箔不修邪亂不正之象出軍戰敵遇此日尤宜謹
忌之

右以上九卦為式門之宗首其餘如枝葉之類也引之為例當審而
明之

出軍戰敵

元出軍戰敵審候十一曜見行其所在之宮看所臨消息禍福氣神
禽直進退休王燕而用之此為微妙

擇歲月日時法

元出軍攻伐擇歲月日時為先忌衝太歲金神若為主候太白辰星
東見之月若為客候太白辰星西見之月即避衝王方

斗加孟勿在前加仲勿在中加季勿在後 若天罡加日辰必有
惡人躡跡宜急去

曾門經曰天魁太衝勝光登明加日辰者前有賊若天罡太乙加日
辰者後有賊

度閔規賊

玉門經云度閔規賊者當提行年若在歲月日時衝破下者皆凶故
曰凶不凶視破衝 若日辰上神王相有氣上下相生宜進反此
宜退

一曰日辰上得登明天罡勝光宜急去

出軍吉路

神樞經云出軍擇吉路者當視玄武 若玄武能制所往之方大勝
若玄武畏所往之方不利出軍

假令勝光為玄武不可北行襲人謂水畏火也 若木神為玄武則

唐辛申酉日勿戰及不得向西攻伐餘倣此

欲避寇難

神樞經曰聞賊來追欲避難者若神在門宜中避神在外宜左避餘以此類推之

一曰月將加時出太衝從魁下去吉久宜從天上甲下去吉須慎而察之勿悞也 若有逃遭須至逃匿者忌抵王方王方者春東夏南秋西冬北也

軍行迷路

黃帝占曰軍出忽迷道路者當視天罡若天罡加孟左道通加仲中道通加季右道通

一曰斗加陽左道通斗加陰右道通

黃帝曰軍行迷路者止時若遇功曹傳送臨日辰則前道通若遇蛇床魁罡臨日辰者則前道不通

出軍見異人

黃帝占曰倭不倭見人異謂軍歷危險忽逢異人者止時小吉臨外此人來伺候宜防倭之 若被圍急欲突圍者當出從天罡下出吉此為八極俱張無有豪強人不敢當

敵有使來占其言虛實

黃帝占曰對敵有使來言可信否當以日辰而決之罡時勝日上神者其言實日勝時者其言不實辰上神剋日其言誠信日上神制辰其言虛誕 若將與朱雀天空并加日辰者其言反覆來為奸詐 若太陽天空加日辰言皆不可信若辰上神與日上神相生欲來求和

用伏奇

以奇用兵謂與敵相近當出奇兵以決勝奇兵者百人用三十千人用三百萬人用三千皆選驍雄勇銳之人伏於要路仍以太歲太

陰月建大將軍下伏之上將於亭、下候時至出攻敵之不意萬勝太歲為陽神常以建子從子順行十二辰太陰天之貴神歲之后常在太歲後三辰月建者正月起寅順行十二次

大將軍三年一位推移之法

孟歲以勝北仲歲以小吉季歲以傳送加太歲天罡下為大將軍亭、者常以月將加正時神后下是

入敵境安營

玉帳曰軍入敵境當下營寨擇善地者上將宜居太歲太陰大將軍月建下 一曰豹尾之下九天之上宜下營寨 豹尾者申子辰在戌亥卯未在丑巳酉丑在未寅午戌在辰其衝名黃幡 九天者春功曹夏太乙秋傳送冬登明

探賊兵

玉帳曰欲令人探賊兵宜出何方以月將加時出天上太衝下則人

鬼不見又曰宜往太陰之上探之其道深矣

六壬用禽法

六壬氣神用禽以日宿宮加時視日下天乙貴人晝夜在何時依晝神夜用之審天上十一曜在何宮宿而時下臨何宿用天上二十八宿地下布二十八宿將日直宿以加時宿消息以定吉凶忌奎婁角亢為魁罡金神凶首尾月孛宿凶若用太陽火木直日吉時亦吉祥進退休王用之

看遊都虜都法

看遊都虜都所在有氣無氣將軍行年本命日辰見何神而臨何神以天禽地獸食啗王相休囚並在消息用天時地利人事以相參會

遁甲

昔大撓造甲子推天地之數風后演遁甲究鬼神之奧極夫幽隱遁

之謂歟以六甲儀為直符以二十四氣為式局六成之下貴神攸處凡王師討伐料敵制勝不離掌握之內參合天人之理則虧衄者鮮矣因擇其指要別加編次庶開卷而易曉也

二十四氣而布局立成

上中下

上中下

冬至天元

一七四

立春天元春

八五二

坎小寒地元

二八五

艮雨水地元

九六三

大寒人元

三九六

驚蟄人元

一七四

上中下

上中下

春分天元

三九六

立夏天元

四一七

震清明地元

四一七

巽小滿地元

五二八

穀雨人元

五二八

芒種人元

六三九

上中下

上中下

夏至天元

九三六

立秋天元

二五八

離小暑地元

八二五

坤處暑地元

一四七

大暑人元

七二四

白露人元

九三六

上中下

上中下

秋分天元

七二四

立冬天元

六九三

兌寒露地元

六九三

乾小雪地元

五八二

霜降人元

五八二

大雪人元

四七一

凡一節三氣八節各起主卦冬至後陽道順數自一至九夏至後陰道逆數自九至一冬至後順布六儀逆布三奇夏至後順布三奇逆布六儀

凡六甲為直符直事乙為日奇丙為月奇丁為星奇戊己庚辛壬癸為六儀

凡常以直事加時宮即知開休生三門所臨又以直符加時干天上

三奇與開休生三門合則為吉道能知其門可以出軍行師吉無不利

元九宮之法蓋天有九星以鎮九宮地有九州以應九土其式託以靈龜戴九履一左三右七二四為肩六八為足五居中宮而寄於坤二九星者從正北一宮順數天蓬一宮正北天任八宮東北天衝三宮正東天輔四宮東南天英九宮正南天芮二宮西南天柱七宮正西天心六宮西北天禽中五寄坤二宮八門者自西北起開門順數休生傷杜景死驚開、六宮休一宮生八宮傷三宮杜四宮景九宮死二宮驚七宮

元用局法 甲巳加仲為上元加孟為中元加季為下元 甲巳仲者甲子甲午巳卯巳酉為甲巳仲各終五日為上元 甲巳孟者甲寅甲申巳巳巳亥為甲巳孟各終五日為中元 甲巳季者甲辰甲戌巳未巳丑為甲巳季各終五日為下元 以上甲巳之日

看在此是何節氣之中即知合用何局但甲巳日復半生甲子是甲子宮至黃昏甲戌其六甲為直符直事也 假令冬至後甲子日寅時上元一局復半生甲子一即休門直事天蓬直符逆布三奇六乙日奇在九六兩月奇在八六丁星奇在七便以休門直事加三宮即開門在東北休門在正東生門在東南 又以符直在天蓬加時干六丙八宮即天蓬在六丙月奇與休門合正東為有奇之門吉此時可以舉兵行師出其門吉他皆倣此 假令夏至後用陰遁九局甲子日卯時為丁卯復半生甲子景門為直事天英為直符丁卯時六宮順布三奇六乙日奇在一六丙月奇在二六丁星奇在三便以景門直事加時下六宮即開門在正東休門在東南生門在正南又以直符加天英加時干六丁日奇在東南為有奇之門可以出軍行師出奇門吉

元五百六十時周而復始 甲巳之日復半生甲子乙庚之日復半

生丙子丙辛之日夜半生戊子丁壬之日夜半生庚子戊癸之日
夜半生壬子若得天地人遁之時出軍最吉 生門合月奇臨六
丁為天遁華蓋日精所蔽 開門合日奇加六巳為地遁紫微華
蓋所蔽 休門與星奇合加太陰為人遁得太陰所蔽

凡時逢五六過即損其門不可出兵行師為時下之干剋日干是也
假令甲日庚時是也

凡陽遁後一九天二九地前二太陽三六合陰遁前一九天二九地
後二太陰三六合即陳兵於九天之上伏藏於九地之下伏兵於
太陰之中逃亡於六合之地 又曰六甲為九天六癸為九地六

丁為太陰六巳為六合

凡地有三勝五不擊 三勝者一勝天乙宮二勝九天堂三勝居生
門 五不擊者一不擊天乙宮二不擊九天堂三不擊生門宮四
不擊九地宮五不擊直使宮

凡三甲明主客勝負時逢上局仲甲之時閑格刑德在門不可以出
戰上局甲子甲午時是也中局孟甲之時刑氣在內德氣在外主
客俱不利中局甲寅甲申時是也下局季甲之時陽氣在外陰氣
在內此時顯赫利以出軍利為客 又曰三甲之時陽星加時吉
陰星加時凶陽星者天蓬天任天衝天輔天禽也陰星者天英天
芮天柱天心也

凡時有五陽若得甲乙丙丁戊為五陽時善神治事甲為德丙為威
皆利客不利主客宜先舉則高旗鳴鼓大喊揚威武主宜抵旗待
敵以候天時若得己庚辛壬癸是為五陰時惡神治事利主不利
客見陣利後動惟貴在設謀秘密偷蹠斫營

凡天網四張之時不可以出當看天乙居何宮若在一二三四宮尺
寸低人即可揚聲而出若天上直符居六七八九宮尺寸過人為
天網四張不可舉兵

凡十干相加凶時雖有吉宿奇門不可興師舉衆
凡青龍反首之時為六甲加六丙是也飛鳥跌穴之時六丙加六甲
以上二時百戰百勝

凡六丁加六癸名朱雀入水六癸加六丁名騰蛇飲蟻此時不可舉
兵六辛加六巳名白虎猖狂六巳加六辛名青龍避走此時凶
凡六庚所加名之為格六丙加臨名之為勃遇勃奈亂紀綱值格則
鬪傷主客六庚加日干名為伏干格日加六庚名飛干格六庚加
直符名伏宮格直符加六庚名飛宮格

凡六丙加今日干名之為勃此時帳下有勃亂者

凡太白入熒惑謂六庚加六丙是也若熒惑入太白謂六丙加六庚
是也 經曰金入火而賊來火入金而賊退

凡六庚加六巳名刑格此時凶勿鬪敵賊若奔亡亦不可襲逐
凡六庚加六癸名大格此時凶避者不可追

凡子加子為伏吟

凡午加子為反吟不可舉兵行師

凡六儀擊刑不可用今日甲子值符時加卯加三宮是也甲戌直符
時加未加二宮甲申直符時加寅加八宮甲午直符時加午加九
宮甲辰直符時加辰加四宮甲寅直符時加巳加四宮巳上是六
儀擊刑時也

凡三奇入墓用不可凶乙為日奇臨於坤丙為月奇丁為星奇臨六
宮天門巳上是三奇入墓又乙未丙戌時亦為奇入墓

凡言向三避五之時謂三宮震發生而為吉五象中宮無門戶死氣
而為凶 凡時下宮三為吉五為凶也三為生氣利為百事如甲

子日用丙寅時之類五為害氣百事皆凶如甲子日用辰時之類
凡三奇得使最為吉辰謂甲戌甲午乙為使甲子甲申丙為使甲寅
甲辰丁為使假令陽五局乙庚之日人定為丁亥時此時六乙日

奇下臨九宮甲午是為乙奇得使 假令陽五局丁壬之日、中
為丙午時此時六丙月奇下臨一宮甲子是為丙奇得使 假令
陽五局丙辛之日人定為己亥時此時六丁星奇下臨四宮甲辰
是為丁奇得使

凡地有八門 開門萬事通達利以將兵遠出顯赫揚兵 休門利
選練軍旅利合衆情 生門陽氣盛宜貢獻上書興兵舉衆 傷
門主傷殺血光唯宜弋獵 杜門不可出行唯宜誅凶討逆 景
門宜上書貢獻 死門宜射獵祭祀 驚門出入不安唯宜擒奸
捕盜

凡時下得九星之名天任天衝天輔天心宿吉時下得天蓬天
英天芮天柱凶隨身用兵時便出其六甲旬六丁之神於囊外一符
以指敵人自散不敢交兵也 凡取木時必先齋戒取酒一斗鹿
脯三斤鹽一盞祝文祭之以白茅為簾北向再拜祝曰杜荆之先

百鬼之神曾孫其甲歆與子俱遊六甲之陰百鬼之神與子俱遊
兼變化其身以子所指莫不服者謹奉清酌美脯香鹽願歆饗之
呪訖再拜凡三呪之事畢乃伐取木勿令穢汚亦勿令人近汚物
及雞犬見之先持之法齋戒五日沐浴蘭湯食香潔淨飯無食五
辛之物及畫符畢以六甲之日夜半醮之於方壇之上置壇方一
丈二尺外環方一十二丈開一十二辰門一竹為篙凡長三尺或
九尺随地色列之在四向六陰之符置壇上依位次以五色繒綵
各三尺五寸上安酒三杯脯三斤鹽一盞白茅為座北向再拜跪
呼其方四堂之長六甲六陰神假今甲子日陰在丁卯再拜呼其
神而呪之以綿帛為囊盛陰符常隨己身則百鬼不能侵以陰符
指敵、人自滅如倉卒無壇者但於庭中或野外畫地為之
凡能履陰陽符者令敵人兵不起為術之法甲乙日平旦南向丙丁
日食時西向戊己日、中北向庚辛日、映東向壬癸日、入南

向各以此日所向取方寸椀枝書敵帥姓名着左履下求者必得
履敵人之名兵不起者謂書敵人怨賊姓名着在履下訖呪曰敵
人某甲不善大逆輕毀天地日月戊名木

凡宿山野欲屯營自固或藏形潛伏有真人閉六戊之法於當旬戊
上掘土六斗於中央分置六戊之上將刀從鬼門左行一週大小
以六為法安刀於取土之處而持刀念呪曰泰山之陽常山之陰
盜賊不起靡狼不行城郭不完閉以金闔千凶萬禍莫之敢干於
其中宿不復出也說云置營壘訖取有犢犛牛繫母於營中置犢
於外依法閉六戊呪訖即犢終不敢入是驗

凡對敵制勝有六甲陰符之法 經曰為上將禦敵者須作六甲陰
符法令敵人自誅故曰寧與人千金不與人六甲之語陰符天地
之間此道最禁藏之金匱貫之於心不傳非人勿泄盜視者盲盜
讀者啞若作六甲陰符必須齋戒若干犯則無驗矣 六甲之陰
者甲子旬陰在丁卯其神鬼頭人身甲戌旬陰在丁丑其神牛頭

人身甲申旬陰在丁亥其神豬頭人身甲午旬陰在丁酉其神雞
頭人身甲辰旬其陰在丁未其神羊頭人身甲寅旬陰在丁巳其
神蛇頭人身 凡作符法常以月餽之時伐杜荆及梧桐等陰枝
亦可以柏心悉長九寸廣二寸厚二分雌黃色圖畫之作神像併

書其神名着像下丁卯神名孔林族丁丑神名梁丘叔丁亥神名
陵盛陸丁酉神名費陽明丁未神名玉屈奇丁巳神名許咸池

凡畫符以錦囊絳盛之大將自社樹使神不得血食神但將之吾
自與神誅擊陰陽神理共來剪滅先於符下畫作敵人之像從月
建上來呼其神名而隨六甲之神所在滅之則敵人死仇自消矣

凡欲行千里萬步呪曰六甲九章天圓地方四時五行日月為光禹
為治道蚩尤辟兵蒼龍挾轂白虎扶衡熒惑前引辟除不祥北斗
誅伐除去凶殃五神從我周旋四方當我者死向我者亡左社右
稷寇賊伏匿行者有喜求者有福五神祐我所須者得急、如律

令

凡出天門入地戶過太陰居青龍法 經曰初兵出天門六戊也入地戶六己也過太陰六丁也居青龍六甲也居其下百戰百勝假令冬至上元甲己之日夜半生甲子而起兵出天門辰地入地戶巳地過太陰卯地居青龍子地即百戰百勝 又一法曰出天門者出天上六戊在一宮入天上地戶在九宮過 天上太陰在七宮居天上青龍在一宮他皆倣此

凡欲伏匿藏形法 伍子胥曰當人乘青龍六甲也歷蓬星六乙也過明堂六丙也出天門六戊也入地戶六己也還太陰六丁也取草拆半障人中半入天藏六癸也 假令六甲日夜半生甲子欲伏匿者初從子地六甲也歷丑六乙也過寅六丙也出辰六戊也入巳六己也還卯六丁也取草折半障人中半置卯地六丁而入酉六癸去人無見者過太陰時呪曰天翻地覆九道皆塞有來追

我至此而極徑入天藏慎勿反顧唐為天獄辛為天庭壬為天牢宜避之不可抵向即被束縛

凡亭、白紆者王章曰亭、者天之輿神背之而擊其衝為勝推此之法以月將加時神后下是亭、所在 假令正月登明為月將時加午即神后臨未為亭、所居白紆者天之紆神嘗與亭、合於巳亥格於寅申當合之時皆格之當格之時俱合之宜背亭、亭向白紆推此之法以月將加時寅午戌上見孟神即是白紆之位常行亥巳寅申四孟 假令正月登明為月將時加午登明孟神臨午即白紆在亥、

凡六甲下營法 三元經曰大將兵四出統衆屯營必取其法則其法以六甲為首十時十日一移員卓白以歲月旬而為狀或依歲月或取六甲旬首而排布之大將居青龍六甲為青龍旗鼓居蓬星六乙為蓬星士卒居明堂六丙為明堂伏兵居太陰六丁為太

陰軍門居天門六戌為天門小將居地戶六巳為地戶斬伐居天
獄六庚為天獄判斷居天庭六辛為天庭囚繫糧儲居天牢六壬
為天牢府庫甲伏居天藏六癸為天藏 假令甲巳之日青龍在
子大將居之蓬星在丑旗鼓居之明堂在寅士卒居之太陰在卯
伏兵居之天門在辰營門居之地戶在巳小將居之天獄在午斬
伐居之天庭在未判斷居之天牢在申囚繫糧儲居之天藏在酉
府庫甲伏居之

允涉於險阨之中 經曰山河水澗之際兵不得移轉若敵從利方
上來即視天時若陽時者令士卒皆袒左肩引聲大呼鳴鍾擊鼓
先舉而擊之若陰時令士卒樹枚駐馬枵腹不鳴靜以待之若敵
四面圍之者當分兵為三部一居月建之上 一居日德或居月德
之上一居王神之上 監軍大將居亭、之上引兵而擊之則大勝
允三奇遊六儀 三元經曰三奇遊於六甲利以宴樂歡悅此時惟
宜宴會為喜樂之事六儀者六甲也三奇者乙丙丁也謂乙丙丁
遊於六儀之上甲子旬有庚午甲戌旬有巳卯甲申旬有戊子甲
午旬有丁酉甲辰旬有丙午甲寅旬有乙卯此為三奇遊六儀又
名玉女守門之時也 假令甲巳之日復半生甲子即日中庚午
時見玉女守門時也

王神一日生
神

允天輔之時 三元經曰天輔之時有罪勿疑斧鑕在前天猶救之
謂甲巳之日時下得巳乙庚丙辛丁壬戌癸日時下得甲 假令
甲巳之日禺中乙庚之日晡時丙辛日、中丁壬日食時戊癸日
平旦是天輔之時也允此時有罪者皆不可消釋矣

允遁甲擇日葛洪經曰遁甲擇日出軍征討興造百事者其中有寶
日義日制伐日寶日為上吉謂干生支也甲午乙巳丙辰戊戌丁
丑丁未戊申巳酉庚子辛亥壬寅癸卯義日者為次吉謂其日支
生干也甲子乙亥丙寅丁卯戊午巳巳壬申庚辰癸酉庚戌辛未

辛丑制日者上制於下謂干剋支也甲辰甲戌乙未乙丑丙申丁酉戊子己亥庚寅辛卯壬午癸巳巳上日為中平伐日者下伐於上謂支剋干也甲申乙酉丙子丁亥戊寅己卯庚午辛巳壬辰壬戌癸未癸丑巳上日不出軍

凡吉則從神緩則從門 三元經曰謂有急事不得擇日時并三奇吉門者當於天一所居宮及直符之神所臨而出若緩則可待三奇吉門而去凡天乙居直符宮天上六戌所在出其方吉謂六戌常為天門故也假令冬至上元陽局甲巳之日平旦為丙寅時此時天一加六丙於八宮直符在一宮六戌在一宮若有急事可於東正北天乙正北直符六戌下皆吉

玉女局法 玉女經曰閉局之法宇庭巷野以六數為法或六尺六步六丈郊野二百四十步尺皆可也十二日從干上入然乃下籌得籌為室中六尺為局庭中六步為方巷野六十步畫地玉女行

籌法子日取子工籌投於戌上次丑上籌投於卯上依頌文次第行壽鼠行失穴入狗市牛向兔園食甘草猛席耽。來到已馬入龍泉飲甘水羊雞易處來其酉猿猴擊攫北奔亥雞飛落薄羊欄裡犬向子地捕其鼠猪遊席窟自投死度筭行籌呼神次第一青龍 移第一筭子仰天大呼青龍下地皆倣此二朱雀三勾陳四白席 五玄武六六合每行一籌次第呼一神行六籌畢即從地戶上出

凡地戶所在立成子丑日在乙寅在辰庚卯辰日在丁巳日在壬午日未日在辛申日在甲酉日在巽戌日在癸亥日在丙凡天門所在立成子丑寅日在丙卯辰巳日在庚午未申日在壬酉戌亥日在甲

凡玉女所在立成子日在庚丑日在辛寅日在乾卯日在壬辰日在癸巳日在艮午日在甲未日在乙申日在巽酉日在丙戌日在丁亥日在坤

門 出軍不得三奇吉日或遇敵臨事不得已者當須變機乃作玉女反
籌 閉局用筭行籌取天門地戶玉女所在依法為之上將軍入地戶

出天門統兵破敵得玉女所助無不決勝玄女訣當敵安營深入
敵境或彼倚仗強暴掩襲當爾之時又課遁無門軍師主將以此
為法呼神投筭先成為天門後成為地戶陰呼六句中玉女祝之

出天門破敵億萬之衆莫之敢當若兵勢不利欲退軍即呼玉女
祝而出地戶以左手把刀背以畫地戶為閉地戶仍以左手取寸
草障人中半勿返顧而去人鬼不覺去蹤 步局法室中六步野

外營中六十步具表四維十二辰甲乙丙丁庚辛壬癸布列以定
即左手持尺二籌六壘甲日從甲入乙日從乙入庚辛丙丁壬癸
皆從西北東南入戊己日從坤艮入次從日今日辰布下六籌假
如子日先布第一籌置子上第二籌置丑上畫六籌置巳上畢乃
投籌呼六神並皆陰誦呪文大呼六神依日辰起第一籌投之如

子日先於子上投第一籌陰誦鼠行失穴入狗市便以籌轉安戌
上大呼青龍下次於丑上取第二籌陰誦牛入兔園食甘草即投
籌轉安卯上大呼朱雀下次到寅上取第三籌陰誦猛虎飛、來
到巳即投籌轉安巳上大呼騰蛇下次於卯上取第四籌陰誦兔
入牛欄伏不起即投籌轉安丑上大呼勾陳下次於辰上取第五
籌陰誦龍入馬廐因畝止即投籌轉安午上大呼白虎下次於巳
上取第六籌陰誦騰蛇宛轉歸申裡即投籌轉安申上大呼玄武
下次子日四仲之日地戶下仍將初籌戌上籌安午位投於辰陰
誦馬入龍泉飲甘水地戶便成乃出地戶從乙入天門內取丑二
籌閉天門取申上籌閉地戶仍出地戶入天門時左手持刀畫地
閉之乘玉女康上去他皆倣此

仍或曰賊

右件二十次並隨日辰為投籌之首曉達之士秘而行之

武經總要後

武經總要條目故事凡四十卷自孫吳氏不傳之秘開帙可盡得誠為學共者指南濡涓郡有本磨滅舛錯不可勝紀學者病之

嘉禾沈公景淵分度節守是邦以儒術歸吏治三年政通人和百

度脩舉謂疆事未彌此書宜廣其傳非得精博貫通之士猶亡益也 三山林公半千以文名誼弗苟合於時適來貳郡相得甚

離遂委心焉林公既承命別居一室粹諸史圖左右公退之餘幡閱雖校夜分不倦文互諸本其失一律乃各以原本之文訂當時

之事攷究詳悉應手箋改盡掃以訛傳訛之弊鳩工刻棘數月而就備哉紹定三年春沈公將東歸體國亦解官于合肥往造公別

獲聞其事明年體國公授於濠來謁帥漕林公實長幙議用論其成謂體國懇公之知最深當姓名苟末詎敢以荒陋辭竊思國家

自丙寅用兵幾三十載赴、良將競立功名問其克敵制勝則古

兵法吾不知也豈嫖姚顧方畧之語信歟或曰今與夷狄犬豕以力角勝負其無所用嗚呼勝負豈偶然哉必有暗合孫吳氏之道者此書其可廢耶維然可與書生道云尔

昔

紹定四年夏四月望門生承直郎差克濠用州學教授趙體國謹跋

跋武經總要後

嘉禾沈戾

景淵

以太府寺丞出為淮西常平使者兼守濡須謹身

節用保障隱然暇日閱郡中武經總要刻梓本多訛舛思有以正之然其書蓋自有五兵以來大而攻圍之籌畧戰守之法度小而樓櫓之形制器械之規模上下數千裁間增創汰革靡不畢載自非博極群書未易離校歲久改成方力上祠請三山林戾半千以儒英文伯來監州事既見恨相得晚圖事揆策之餘因以武經之本未善為請林戾欣諾初欲隨事刊正既而幡閱見其間文字錯亂謬妄多與舊所記誦不合於是取其事之見於載籍者自戰國而下至歷代史蒐檢訂證為之刪益竄定煥然為全書四易梓而一新之夫武之有經猶鑿之有方也神聖功巧雖非方之所能傳至於陰陽證治亦非方無自而定故自不學古兵法者言之其全是書近似贅疣自授書記上運籌帷幄者言之是書之全抑豈小

補者哉庖丁解牛十二年而刀若新發於硯磨節共二閱決千里
何啻十二年顧方相與賓客商畧於文字之間自非游刃餘地疇
克爾二侯之精神綜理又可因是書而既見云

昔

紹定辛卯孟春太東鄭魏挺謹跋

萬曆二十六年寔為戊戌之歲春正月下澣之吉茂苑後學莊重錄
於種玉軒中噫重於壬午年冬得是書見其說舛零落復從而參
攷從而校正後筆之其間目疾者數次竟至喪明凡若干年方能
成帙後之觀是書者慎勿以其字之拙而忽之也重謹識



